
 <small>CH. BIBLIOTHECA MUSEI HIST. NAT. CIVICUS VIENNAE</small>	<div data-bbox="386 105 562 176">22698</div> <div data-bbox="361 176 646 249"><div data-bbox="361 176 411 249">III</div><div data-bbox="411 176 596 249">Mag. St. Dr.</div><div data-bbox="596 176 646 249">P</div></div>
---	---



22698



Hist. pol.
38
1/2 ta
0-103

IN FACTO ET IVRE
FVNDATA
DEDVCTIO,

Eorum,

Quae ab Generosis ad nouissimum Conuentum
publicum Deputatis Generosi Equestris Ordinis Ducatum Cur-
landiae & Semigalliae in Ciuitatum praeiudicium & destructio-
nem Jurium, Priuilegiorum, & Immunitatum earum pertractata,
ac Laudo publico, de dato Mitauiae die 27. Iulii 1746.
inserta sunt.

Et

Quod Gen: Equ: Ordo nullo iure permittente hoc facere potue-
rit, sed Ciuitatibus potius Protectio & Patrocinium Sacrae Regiae Maie-
statis, Potentissimi Regis Poloniae, tanquam Supremi & longe Clemen-
tissimi Domini sui, contra haec tentamina non sint
defutura.

22698 III





uae mala ciuitates Ducatum Curlandiae & Semigalliae ab initio huius seculi ad hoc vsque tempus bellis, fame, peste & externorum militum colloca- tionibus perpeſſae ſint, neminem, qui hiftoriae ter- rarum ſeptentrionalium non plane hoſpes eſt, latere poteſt. Quarum ſtatus eo infelicioꝛ, cum omne onus ſo- lae in ſe ſuſcipere ſaepius coactae fuerint. Loco autem commiſerationis, quam a Nobilitate ſibi promittere potuiſſent, vt ſalus & incrementa vrbium, cui- cunque prouinciae tam neceſſaria, eius curis promouerentur, Ciuitates ta- men non ſine animi aegritudine expertae ſunt, Nobilitatem potius non le- uia conſeruatiōi earum opponere obſtacula, ita, vt quas adhuc habent immunitates, iſſis adimere, & ſuo ſubiicere arbitrio, atque ad ſe trahere, omnem nauent operam, quo neceſſario interitus Ciuitatum propter inde emergentem ciuium inopiam enaſci debet.

Spem quidem ſemper adhuc fouerunt, fore, vt triſtia haec tempora in melius mutantur, quae aliquando etiam affulſit, ſed ſemper breui euauit. Imo eo nunc ventum eſt, vt Generoſi, ad Conuentum publicum prouincialem, qui Mitaviae die 27. Iulii currente hoc anno 1746. finitus eſt, Deputati Gene- roſi Ordinis Equeſtris ſuis Concluſis Ciuitates ſuo arbitrio ſubiicere, priuilegia Ciuitatum ad ſuam reformationem trahere, & liberam negotiationem merca- toriam in Ciuitatibus ſibi attribuere, & appropriare non dubitauerint.

Exitium inde imminens Ciuitates ad Auguſtiſſimum ac Sereniſſimum Regem Dominum ſuum longe Clementiſſimum & Sereniſſimam Rempu- blicam confugere coegit, confidentes, vt exemplo maiorum, quos effica- ciſſime contra eiꝰmodi tentamina Domini directi & ſupremi Reges Polo- niae tutati ſunt, protectione ac auxilio etiam nunc non deſtitutae fuerint.

Ex reſcripto G. G. D. D. Conſiliariorum Supremorum Regentium de dato Mitaviae die 26. Jan. anno 1746. Ciuitatibus mari finitimis Libaviae & Windaviae innotuit, quod Nobilitas liberam mercaturam cum externis aduenientibus praetendat. Cum itaque in procinctu eſſent, Regimini ſua Jura, & iuris beneficia contra haec inferendi, iterum, & ad nominatas, & ad caeteras Ducatum ciuitates Reſcriptum de dato Mitaviae die 27. Maii a. c. emanauit, quo intra ſpatium 14. dierum exemplar fide dignum Ordi- nationum politicarum, & Priuilegiorum exhibendum ſingulis Ciuitatibus iniunctum fuit, quia Nobilitas queſta fuerit, res Juri publico & priuilegiis Nobilitatis contrarias in iis contineri. Ex reſpectu G. G. D. D. Supremis Conſiliariis Regentibus debito, quidem Copias vidimatas Ordinationum & Priuilegiorum ſuorum iſſis porrigere Ciuitates non detrectauerunt. Litte- ris ſupplicibus tamen Cancellariae die 13. Junii 1746. productis, ſe de me- liori manifeſtarunt, ne iura ſua ciuitatenſia arbitrio, diſpoſitioni, & refor- mationi G. Ordinis Equeſtris exponerentur & traderentur.

Huius aequiſſimi & bene fundati petiti tam parum compotes factae, vt deſenſio ratione praetenſae liberae mercaturae non ſit expectata, ſed Gen. ad praefatum Conuentum publicum Deputati ſibi ſumſerint, Laudo pu- blico concludendo inferere inter alia, ſequentia.

1) *Libera mercatura cum immunitate a teloniis ſecundum antiquiſſima Pri- uilegia, Pacta, & Lauda publica cum omni immunitate, & abſque vlla remora- tione Gen. Equeſtri Ordini conſtanter permaneto.*

2) *Neque minus libera negotiatio Nobilitatis aqua & terra in omnibus ma- ritimis & terreſtribus Oppidis cum quocunque ſine diſcrimine ſecundum antiquiſſima Pri-*

Priuelegia, Pacta, & Confirmationes Furium Nobilitatis circa libertatem mercaturae Joh. III. de Ao. 1676. & Ducum Friderici & Jacobi ac Laudorum publicorum de Anno 1684. 1692. 1718. & 1732. denique immunitas a teloniis in pactis & Laudis publicis bene fundata, hominum priorum suorum sub poenis in Legibus & Priuelegiis definitis, illaesa ipsi conseruantor.

3) *Quo autem facilius Ciuitates conuincantur, quod earum priuelegia, & Jura Praerogatiuis Nobilitatis & competentis nullo praeiudicio & damno esse queant, & ita in tantum valeant, in quantum a iure publico non discrepent, illas in proxime sequente Conuentu publico sibi competitura beneficia inferre oportebit.*

16) *Cum secundum decisiones Commissoriales & tot lauda publica Ordinationes politicae, qua Praerogatiuis Nobilitatis contraria, corrigi, & abrogari debeant, nunc quoque Regimen cum Gener. Ordine Equestri plurimas Ordinationes Ciuitatum communicauerit, hic ex suo numero quosdam designauit, qui illas trutinent, & reuideant. Itaque hunc in finem Ordinationes Politicae in maiori Capitaneatu Seelburgensi Gen. & C. & C. traditae sunt, vt proxime sequente Conuentu publico praerogatiuis Nobilitatis adnascentia praeiudicia indicent, & sic in eo Ordinationes politicae ad normam Legum demum reduci curentur. Interea Regimen se obligat, seuerissime Ciuitatibus iniungere, vt intra limites suos maneant, & nemini Nobilium in minimo ansam querelarum iustarum praebeant, sub inuitabili poena, & resarciendis omnibus damnis & expensis.*

Ne autem opponi possit, quod ciuitates scientes & audientes silentio in aliquid consenserint, exemplo maiorum in antecessum praeiudiciosis iudicialiter teste annexo sub No. I. contradixerunt, contra ea sollemnissime protestatae sunt, & reseruando quaecunque competentia se manifestarunt.

No. I.

Ante omnia itaque disquirendum est, an vnquam Gen. Equ. Ordini Ciuitates earumque iura subiecta fuerint, quia hoc necessario praesupponendum, quod si tale ius attribuere sibi Gen. Equ. Ordo possit, quale in Laudo publico mentionato sibi arrogauit.

Minime ciuitates, licet possent, hic adducere volunt, qualem iustitiam, & quam considerationem a Nobilitate sibi promittere possint, dum iam Eadem praesupponit, quod Ordinationes Ciuitatum iuri publico & iuribus Nobilitatis contraria sint, antequam vlla puncta praeiudiciosa indicare potuerit, & prius quibusdam committendum duxerit, qui haec trutinent, & exquirant; porro quod Ciuitatibus in antecessum sua iuris beneficia non eum in finem allegandi copia facta sit, vt inquiri potuerit, num iure nitantur, vel secus, sed id solummodo iis relictum sit, quod conuinci debeant, ipsarum Ordinationes & Priuelegia a iure publico discrepare, & sic iuribus Nobilitatis derogare non posse.

Quae autem sunt Jura & Priuelegia a Nobilitate trutinanda, & in Conuentu publico reformanda? Illa, quae partim a Magistris Ordinis Ciuitatibus concessa, partim ex vetustissimis iuribus municipalibus in vnum corpus digesta, a Ducibus Curlandicis restaurata, & concessa, a Serenissimis ac Potentissimis Regibus Poloniae autem validissime confirmata sunt.

Ciuitates Goldinga & Vindauia a prima fundatione vltra 400. annos priuelegio Juris Rigenfis & Wendenfis donatae sunt: illa enim a Magistro Ordinis Vincke de Overberg praeclarum habet de Ao. 1361. Priuelegium, quod antiquiora iam allegat, & a pluribus aliis Magistris, inter quae Priuelegia a Francke Kersdorff Ao. 1484. Woltero de Plettenberg Ao. 1511. & Hermanno de Brüggenei nominato Hasenkamp Ao. 1538. concessa, praecipua sunt, praesertim enim in Priuelegio M. O. de Brüggenei expressa verba continentur;

Der:

Derhalwen Wy gemeldten Unsen lewen getruwen Underdanen den gemenen Borgeren, und Innwanern in Goldingen wanhaftich, sodane Priuilegien, Freyheiten, Gerechtigheiden und olde Gewanheyde, so se in er tiden irholden und an sich gebracht, to Sürderunge eres gemenen Besten hiermit *confirmieren*, bestedigen, und bevestigen, dersülwigen gelicks Unser lewe Getruwen und Underdanen beyder Unser Stede *Wendenn* und *Wolmar* tho geneten, und tho gebrucken, und vergunnen ehnen ock noch uth sunderlicken Genaden in Goldingen tho holden alle Wecken enen gemenen Markt doch also des Mondages darup tho kopen, verkopen, tho handeln und tho wandelen, alles tho ehren Nutz und Beste tho ewigen Tyden.

Aequali modo Vindauiae Priuilegia a M. O. Plettenberg, Brüggeneß & Kettler concessa, & in priuilegiorum confirmatione de Anno 1595. extant verba.

Dot benömet met aller ehrer Richtichkeit, Freyheit und olden Gewohnheit sollen se und de Innewohnere der Stadt *Windau* gebrucken glyck de Börger der Stadt Goldingen, und na luhde erer Priuilegien enen von Herrn *Wolter von Plettenberg* upgemeldet gegeben und fort mehr tho ewigen Tyden.

Quantum ad Mitauiam notum est, quod iam Anno 1435. oppidum fuerit, quod suo peculiari iudicio, & ordine constitit, & Anno 1570. primus Conuentus prouincialis publicus ibi habitus. Ordinatio politica quoque a Ducissa Anna piae memoriae data, euincit, quod ante subiectionem iam propria sua iudicia & consuetudines habuerit. De oppido Baußke sciimus, quod arce ibi anno 1446. exstructa, vrbis quoque fundata sit, quae iure municipali vsa est. Iam ante Pacta subiectionis multae ex Germania, Belgia & Anglia spectatae familiae sedem in loco, vbi Libauia sita, fixerunt, & sub Clientela Ducis Borussiae omnibus Immunitatibus, quae Ciuitatibus competunt, gauisae sunt. Nam Grobinensi Districtu Borussiae hypothecato sub hac hypotheca Libauia quoque contenta fuit, vsque demum ad Domum Ducalem Curlandiae rediit.

Nullum autem vestigium apparet, quod Nobilitati vnquam ius in ciuitates competierit, sed hoc erat reseruatum M. Ordinis, qui separatim Nobilitati, separatim Ciuitatibus Priuilegia concedebat.

Circa Pacta subiectionis hac ius ad Reges Poloniae & Seren. Rem publicam deuoluebatur, & illi cum reseruacione Dominii Supremi Nouo Ducatui praefatas ciuitates assignabant. Attamen vti in Pactis subiectionis expresse prospectum est: *Vt quicquid publice vel priuatim vniuersis & singulis de iure & aequitate competere videtur, vel videbitur, Nostris litteris & diplomatibus confirmaturos, nec vllam in praedictis rebus diminutionem, sed potius pro Regia nostra Gratia & beneficentia augmentum & accessionem facturos, quemadmodum ex nunc re ipsa vigore praesentium Diplomatum confirmamus, approbamus, augemus, ratificamus, confirmare & comprobare quibusuis hominibus priuatim & publice nunc & imposterum quocunque tempore benigne super ea re compellati fuerimus &c.*: ita & Princeps rationem habuit, vt Ciuitates, suo Ducatui assignatae circa sua iura & immunitates conseruarentur, & pro exigentia temporis ampliarentur. Hinc Dux Gotthardus iura Goldingensia anno 1567. iam ante autem, vt Magister Ordinis iura & priuilegia Vindauiensia confirmauit, & ampliavit, quod idem a Duce Friderico anno 1591. ratione Vindauiae

uiaie & a Friderico Casimiro ratione ordinationis ab anno 1510. iam vſitarae, neque minus a Duce Iacobo & Friderico Casimiro ratione Goldingae factum eſt. Deinde Dux Fridericus Mitauiae anno 1606. Politiam ſeu Iura Municipalia. & Libauiae Priuilegium ad inſtar Ciuitatum Goldingae & Vindauiae Jure Rigenſi vtendi, impertitus, & cum Ciuitas Bauſcenſis vsque ad peculiarem Politiam conſtituendam ad Mitauienſem ſeſe conformare interim iuſſa, propria ipſius ordinatio anno 1635. eſt ſubſequuta.

Sed vt ciuitates bene praeuidebant, ſibi quoque vtpote Sereniſſimo Regi & Reipublicae Poloniae ſubiectis, quibus quoque ſeparatim homagium praeſtiterunt, confirmatione Sui Supremi Domini opus eſſe, ſi aliquo iure conſtanti & perpetuo duraturo frui vellent; ita humillime pro confirmandis ſuis iuribus & priuilegiis ſupplicarunt, & his benigniſſime ſubuenire Potentiſſimi & Clementiſſimi Reges Poloniae dignati ſunt. Diuus Rex Michael anno 1669. Iura & Priuilegia Goldingae & eodem anno Vindauiae ſub *Numeris II & III.* confirmationibus ſuis ſtabiliuit. D. Vladislaus IV. anno 1633. Politiam Mitauienſem tenore *Numeri IV.* confirmauit, quam confirmationem exceperunt illae D. Ioh. Caſim. anno 1649. & D. Michaelis anno 1669. tenore *Numeri V & VI.* Aequali modo confirmationem Politiae ſeu ſtatutorum Bauſcenſium D. Rex Vladislaus IV. anno 1645. & D. Ioannes Caſimirus anno 1649. ſub *Numero VII.* elargiti. Libauia pro ſe habet confirmationem 6 Regum ex quibus D. R. Iohannis Caſimiri de anno 1649. & D. R. Ioannis III. de anno 1677. confirmationes ſub *Numero VIII.* adducuntur & porro ſubſequutae D. R. Auguſti II. & nunc feliciter Regnantis Sacrae Regiae Maieſtatis Auguſti III. Domini Noſtri longe Clementiſſimi confirmationes. Quum denique Celſiſſima Ducifſa Elifabetha Magdalena oppidum Neuſtädtygen dirutum, & belli furore vacuum redditum reſtauraſſet, & in memoriaſſimam Coniugis D. Friderici nomine Fridrichſtadt donaſſet, ac Ius Municipale Incolis Ciuibus dediſſet, talis horum iurium clementiſſima confirmatio a D. R. Vladislao IV. ſubſequuta *Numero IX.*, quae omnes ac ſingulos merito ab eorum trutinatioſe, & reformatione detertere deberet. Ita & Sua Sacra Maieſtas Rex Auguſtus III. Dominus Noſter longe Clementiſſimus ſtatuta Oppidi Ruſſici in Curlandia a Duce Iacobo conceſſa, Confirmatione ſua regia in Comitibus Gener. anno 1744. Grodnae habitis, dignata eſt, ſub *Numero X.*

Quae cum ita ſunt, comprehendere non poteſt, quomodo Gen. Equ. Ordo poteſtatem haec iura municipalia pro arbitrio ſuo corrigendi, & noua condendi ſibi attribueret. Sane in rebus Curlandicis exemplum inauditum, quod nunc in citato Laudo publico nouiſſimo extat. Inficias quidem ire non poſſumus, quod anteriori ſeculo Nobilitas diuerſis vicibus putatiue contra Politias Ciuitatum querelas ſuſceperit; tam longe autem non abiit, vt ſibi putatiuam correctionem ſuſſerit, quo tamen modo ſimul munere actoris & iudicis fungitur. Anno 1643. Nobiles Parochiae Bauſcenſis actionem coram Principe Politiae Bauſcenſis cauſa intenderunt, & demum die 10. Junii 1644. decretum ex ſeriis partium controuerſiſſis latum ſub *Numero XI.*, de quo Nobilitas in Conuentu publico anni 1645. conqueſta eſt, ſed Ciuibus Bauſcenſibus ad Grauamina reiterata auditis Reſponſio Ducis Jacobi Laudo publico dicti anni inſerta eſt, ſequentibus verbis: *In Deciſis anterioribus acquieſcendum, ſi quid autem praeterea in ſpecie cuidam proferendum, illum in ſequenti Conuentu publico audiemus, interim autem neutri parti in iure ſibi competente aliquid deſtutum eſſe debet.* Re autem in conuentu publico anni 1648., contra ciuitates Bauſcam & Mitauiam, quarum Poli-

No. II

et III.

No. IV.

No. V

et VI.

N. VII

No.

VIII.

No. IX.

No. X.

No. XI.

No. XII. tiae seu Jura Municipalia in plurimis vnus tenoris sunt, Dux Jacobus talem, quam Laudum publicum dicti anni exhibet, resolutionem dedit, nempe: *Ad querelas districtuum Bauscentium & Mitauensium contra Ordinationes-Politicarum Ciuitatibus Bauscae & Mitauiae concessas quod attinet, declaramus, nos pro disquisitione harum & aliarum querelarum terminum in diem 1. Sept. hisce praefigere, in quo Nobiles Districtuum nominatorum cum assistentia quorundam Deputatorum Curlandicorum & Semigallicorum pro Gen. Ordine Equestri compareant, & definitionem pro re nata expectent, hac autem si contenti esse nolunt, res ex tunc prout ex nunc ad Decisionem Regiam remittitur.* Lite in hoc termino ventilata die 25. Sept. ei. a. secundum Num. XII. decisio est sequuta.

No. XIII. Huic morem vt gererent Ciuitates, eorum Deputati ad Comititia felicia Coronationis D. Joannis Casimiri Cracouiam venerunt, & a parte Nobilium ex Parochia Bauscensi adfuit Gen. Philippus Schoepping, eiusdem Parochiae in tota hac causa Plenipotens cum Gen. Georgio Vischer Capit. Vind. Delegato Gen. Equ. Ordinis aduenit. Licet autem super hac re Colloquium cum illis Mandatarius Ciuitatum habuisset, & Gen. Schoepping paratum se, Regiamque declarationem expectaturum dixisset; Abiit tamen, quae omnia protestatio & manifestatio a Mandatario Ciuitatum iudicialiter Cracouiae interposita, & in Curia Regia Varfauiensis repetita, fusius sub No. XIII. edocet, Rex D. Joannes Casimirus vero die 12. Febr. dicti anni 1649. super controuersia pronuntiauit, & Ciuitatibus sub manu regia & appositione sigillorum Regni & M. D. Litth. Responsum dedit, quod infra adducetur.

Ciuitates post haec tempora propter iura sua municipalia, nisi quod fuit punctum mercaturae, & in foris Ciuitatum hebdomadalibus emtionis, quod Ao. 1662. recapitulatum fuit, non sunt exagitatae. In Laudo publico anni 1669. potius verba extant: *Ciuitates suis se Ordinationibus politicis conformabunt.* Nonne hisce omnibus actibus satis superque ostendit Nobilitas Curlandica, quod suo arbitrio & dispositioni Ciuitates non fuerint subiectae, & penes se non sit positum, iura & priuilegia Ciuitatum reformare, ad quod ipsis eo minus ius competere potest, quo minus iura & priuilegia Ciuitatum Cancellos vrbium egrediuntur, & quae iura habent, non in alienis, aut in Nobilium fundis, sed in suis tantum vrbibus exercent.

Quod autem nihilo secius sequentibus turbulentis temporibus via facti ab vno vel altero quippiam tentatum sit, eius exempla proh dolor! praesto sunt. Caruerunt Ciuitates per totum hoc seculum praesentia Principis, & in hoc tempore non semper auxilium & tutamen inuenerunt. Ad Regem Potentissimum Poloniae Dominum suum supremum vero semper recurrere, bello, peste, & continuis collocationibus Militum exterorum eneruatus status Ciuitatum non permittit.

Obiiceret quis tamen multorum Laudorum publicorum contenta, secundum quae Leges sumtuariae condi, & in Conuentibus publicis opus perfici debuisset; neque minus decisum Regiae Commissionis de Ao. 1717. expressum: *Respectu ordinationis politicae Ciuitatensis & Reuisionis a Ducali Domo ante hac promissae, id negotium G. G. Consiliariis Supremis Regentibus committendum esse censuimus, & committimus, mandantes, quatenus praefati G. G. Consilarii Supremi adiunctis Deputatis ex Equestri Ordine, Ordinationem Ciuitatum politicam quantocius constituent.* Sed respondetur, ea, quae in antiquis Laudis publicis continentur, tangere tantum Leges sumtuarias, quae pro diuersitate temporum diuersae esse, & mutari debent: id etiam silentio non praetereundum esse, quod toti prouinciae praescribi debuissent, itaque inter-

intermitti non potuisse, vt Gen. Ord. Equestris ad hanc operam eatenus concurreret, licet adhuc ex Laudo publico anni 1669. annotandum, *quod eas Princeps prius cum Ciuitatibus in ordinem redigere, & cum Gen. Equ. Ordine communicare voluerit.* Quomodo sic Gen. Equ. Ordo venditare potest, quod eas condendi potestatem habeat, vti iam sic interpretari praesumit? Hoc soli Principi inuestito competit, vt in his rebus, quae mutationi subsunt, pro diuersitate temporum Ciuitatibus decentem ordinem praescribat. Et Ciuitates eo lubentius Principi suo se in his submittere possunt, quo arctiori ligamento Eius & Reipublicae Interesse cum incrementis Ciuitatum coniunctum est, quapropter duris & nociuis Legibus incrementa Princeps non impedit, bene perpendens, prouentus suos cum ipsis vrbibus crescere. Longe aliter se res habet cum Legibus Ciuitatum fundamentalibus, earum Immunitatibus, & administratione iustitiae, quod tam diu, quam Supremus Imperans & Dominus Directus, qui ea confirmauit, & stabiliuit, illas non corrigit, & abrogat, vim perpetuae legis habere debent, & secundum regulas rectae interpretationis iuri publico sunt annumerandae.

Ex his deductis in aprico est, quomodo citatae Commissoriales Decisiones intelligendae sint, cum statui non possit, ipsi Illustriss. Commissioni concedendi mentem fuisse, vt Nobilitas, Leges fundamentales Ciuitatum, & quicquid ex confirmatione regia vim Legis perpetuae habere debet, reformaret, & Ciuitatibus non auditis nouas ferret, dum potius praefata Commissio in Decisis ad grauamina puncto decimo quarto, & quinto *tam Capitaneos maiores & minores, quam ciuitates per omnia & in omnibus circa Priuilegia sua, iura, & laudabilem usum & obseruantiam conseruauit, & manutenuit.* Quare placitum illud Commissoriale procul dubio ad ea tantum spectat, quae ad Leges sumtuarias, i. e. pretia rerum, mensuram, pondera, & ad bonos mores pertinent.

Econtra in his, quae Nobilitas Curlandica desiderat, ipse Princeps teste annexo sub No. XII. agnouit, sibi cognitionem non competere, vnde eo minus in potestate Gen. Equ. Ordinis haec autoritas posita esse potest.

De caetero ciuitates ipsae in votis habent, vt ordinatio Politica pro exigentia temporum bene ordinata quoad bonum ordinem & Leges sumtuarias, quia confusiones quasdam irrepsisse, & antiqua in multis cum hodiernis moribus non conuenire diffitendum non est, praescribatur, si modo ita proceditur, vt Reuisio & Constitutio non a sola Nobilitate dependeat, & status Ciuicus huic negotio interesse non plane arceatur, ac sine eius praescitu, & assensu, hae ordinationes non condantur, cum alias maximopere timendum, ne omnia in despectum, & praeiudicium Ciuici status sint eruptura, quoniam iam saepius praefato Laudo publico non pauca in despectum & iniuriam Ciuici status sunt inserta e. g. *quod soli Nobilitati curribus in aream templi Ciuitatis Mitauensis, quam sola tamen Ciuitas sustentat, & reparat, sub poena 10 thalerorum in personam ciuici status, quae hoc facere audeat, inuehi liceat,* quo senes, valetudinarii, & infirmi, temporibus praesertim pluuiosis, & ventosis a deuotione in templo arcentur: porro, *quod Ciuitates falsae mensurae, & non administratae iustitiae insimulentur, & quasi, vt res certa venditur, cum tamen nullum exemplum adduci potest, & ciuitates huius culpaenondum conuictae sunt, vt taceatur, quod factum vnus vel alterius toti Ciuitati imputari nequeat.*

Ex quibus adductis abunde constabit, quod Gen. Equ. Ordo arbitrium, diiudicationem, & reformationem lurium Municipalium, & Ciuitatum Immunitatum ac Priuilegiorum, quae non a Nobilitate, sed aequali modo vti Nobiles ipsi, imo quoad plurima antierius, quam Nobiles sua ex prouisione

fione Magistrorum Ordinis, confirmatione pactorum subiectionis, conseruatione Principum, & munificentia D. Regum Poloniae habent, sibi attribueri haud possit.

Aequali modo nullum Gen. Equ. Ordo Curlandiae & Semigalliae fundatum ius habet, determinandi, *vt sibi in vrbibus maritimis & terrestribus Curlandiae & Semigalliae exercitium mercaturae seu negotiationis non praepediatur, sed sine discrimine cum quolibet liberum esse debeat.*

Hoc vt facilius, & eo melius diiudicari possit, necesse est, vt adducantur, quae ab antiquissimis temporibus vsque ad haec tempora intuitu huius rei acta sunt. Historici querelae desuper a Nobilitate contra Ciuitatem Reualiensem tempore Ordinis institutae, quod Nobiles cum Exteris portum appellentibus commercari non admitterent, mentionem faciunt, & his testibus haec lis ita ao. 1543. decisa est a commissione a Magistro Ordinis ad hanc demandata, vt Gen. Equ. Ordo, quoniam mercatio exterorum & non ciuium cum exteris aduenientibus consuetudini, & iuribus municipalibus repugnet, hac mercatione abstineret. In qua sententia Nobilitas acquieuit, quia nullum vestigium, Nobilitatem tunc temporis porro huic mercationi inhiasse, reperitur. Post tempora Subiectionis autem Nobiles quidam Ducatum Curlandiae & Semigalliae in fundis & rure rem mercatoriam plus, quam vnquam factum, agere, & merces vndiquaque commercari & corradere ceperunt, ita vt nihil pene ad Ciuitates libere peruenire potuerit. De hoc praeiudicio Ciuitates in omnibus fere Conuentibus publicis questae sunt, & suis querelis vt medela afferatur, institerunt, nunquam autem aliquid cum effectu impetrare potuerunt. Sic Ciuitates in Conuentu publico anni 1621. querelas suas intulerunt, & a Duce Friderico resolutionem sub *No. XIV.* die 12. Aug. 1621. acceperunt. Per iteratas autem querimonias nihil amplius obtinuerunt, quam vt in Conuentu publico anni 1636. haec controuersia ad declarationem Regiam remissa sit. Certior denique D. Rex Vladislaus IV. de hac controuersia redditus, mense Nouembr. 1636. Duci Friderico sub *No. XV.* rescripsit, quo rescripto accepto Dux Fridericus in Conuentu publico in diem 14. Decembris 1636. indicto, demum autem in Januario anni 1637. concluso, & mense Julio anni 1638. reassumto, adesse Ciuitates, vti tum temporis semper mos erat, iussit sub *No. XVI.* Bona tamen & seria admonitio Ducis Friderici ita fructu caruit, vt potius in Laudo publico dicti anni verba extent: *Quum propter mercaturam secundum Sacrae Regiae Suae Maiestatis Rescriptum inter Deputatos & Ciuitates res componi non potuit, adhuc semel in remisso per Laudum publicum facto acquiescitur.* Econtra Nobilitas omni modo coram Sacra Sua Regia Maiestate cum iure hoc praetenso comparere verita est, sed potius in tergum Ciuitatum hac in re aliquid a Commissione Regia, nouum Ducem Jacobum in Ducatum introducente, obtinere molita est. Quae autem cum Ciuitates ad sufficientem Iurium Priuilegiorumque suorum deductionem pertingere non potuissent, hunc in modum pronunciauit: *Querebatur etiam Nobilitas: Illustrissimum Principem defunctum certum quoddam priuilegium Ciuitatibus extradidisse, in quo ordinatio mercaturae continetur, quod ipsum cum repugnet libertatibus & immunitatibus nobilitaribus, ac prouinciarum annexarum utpote M. D. Litthuan. & secum monopolia trahat, quae de iure sunt vetita, ac prohibita, petiit vniuersa Nobilitas totum hoc negotium in integrum restitui, & priuilegium illud sine scitu & consensu Nobilitatis obtentum cassari.* Ad hanc querelam S. Illustritatis mandatarii respondebant, velle suam Illustritatem penitus in hanc rem inspicere, idque factura est circa reuisionem Statutorum, in quo Priuilegio, si quid compertum fuerit,



fuerit, quod iuribus & prouinciarum annexarum, cum quibus mutua commercia intercedunt, repugnet, id Suam Illustr. se abolituram pollicetur. In qua Suae Illustr. declaratione acquieuius, ita tamen, vt Sua Illustr. mature S. R. Maiestatem de hac reuisione, & priuilegii examine certiore reddat; vt si ita visum fuerit, S. R. M. suum quoque Commissarium assignare possit, qui ad iura S. R. Mtis. attendat, prouideatque, ne quid iuribus supremi directique Dominii S. R. M. praeiudicetur. Sed quid Nouus Princeps hac in re pro iustitia & aequitate efficere potuit, cum Equ. Ordo, vt supra iam allegatum Laudum publicum indicat, se ne in minimo quidem accommodare voluerit, sed suae Praetensioni, nullo tamen fundamento nixae, inhaeserit. Ea propter extat in Laudo publico anni 1645. quia propter mercaturam ante nostra tempora diuersa Lauda publica facta sunt, ita & iam in his acquiescitur. Cum vero in Conuentu publico anni 1648. repetitum fuerit, ita res se dedit, vt supra expositum est, nempe quod ad D. Regem Joannem Casimirum Lis ex publico remisso venerit, qui supra hac controuersia die 12. Febr. 1649. in praesentia Gen. Delegati Capitanei Vind. de Vischer non solum Responsum & Declarationem pro Ciuitatibus dedit, sed etiam clementissime super hac re tam Principi quam Gen. Equ. Ordini rescriptit sub *Nis. XVII, XVIII & XIX.* quod Responsum Regium quoque Gen. Equ. Ordini in Conuentu publico anno 1654. prout attestatum sub *No. XX.* euincit, debite insinuatum fuit.

No.
XVII
XVIII
et XIX.
N. XX.

Licet Ciuitates hinc ab impugnationibus vltioribus se fore securas sibi persuadere voluerint, praesertim cum iterum Rescriptum Regium de dato Varsoviae die 3. Mensis Ianuarii anno 1650. aduenerit, cuius extractum in confirmatione D. R. Michaelis infra adducta extat, spes tamen omnis euauit, dum in conuentu publico anni 1662. hac querelae iterum repetitae, imo amplius, quam vnquam factum, extensae sint. Nobiles enim liberam mercaturam cum exteris aduenientibus non ciuibus, etiam in ciuitatibus ipsis praetenderunt.

Eo autem, quo voluerunt, rem deducere non potuerunt; sed Princeps id perfecit, vt controuersia iterum ad Sacram Regiam Maiestatem praecua adcitatione remitteretur. Hoc vero Nobilibus rei mercatoriae inhiantibus non complacuit, dum bene praecuidere potuerunt, quae fata talis iniqua praetensio esset habitura, si mediante citatione Sacrae Regiae Maiestati Suae illam proponerent. Hinc Citatio illa omissa est. Opportunum potius Nobiles tempus expectarunt, in Conuentibus publicis aliquid contra Ciuitates efficiendi, quare in conuentu anni 1669. farraginem Grauaminum putatiuorum contra statum ciuicum coaceruarunt, ad quae tamen Ciuitates refutationem suam sub *No. XXI.* non solum intulerunt, sed etiam ad Patrocinium Regis sui denuo prouocarunt. Adierunt quoque Sacram Regiam Maiestatem, quae ita humillimis earum petitis subuenire dignata, vt Responsum D. Johannis Casimiri de nouo clementissime confirmauerit, quibus denique reiterata confirmatio D. R. Johannis III. de dato Varsoviae die 12. Aprilis ao. 1677. teste annexo sub *No. XXII.* accedit.

No.
XXI.

No.
XXII.

Post haec quies quidem in tantum Ciuitatibus relicta est, ne palam illas lacefferent, sed eo magis clanculum & via facti Nobiles multi, (inter quos autem discretiores & moderatiores computandi non sunt) statum Ciuicum sic depresserunt, vt Ciuitates inde magis magisque decreverent. Nobiles illi sic debilitatem Ciuitatum intuentes, post fara Ducis Jacobi commodissimum tempus id conficiendi, quod tam diu moliti sunt, adesse rati, in tergum ciuitatum praetextu suorum priuilegiorum Nouum Principem, qui iam tum impetuosius sollicitationibus Nobilium resistere non poterat,



No.
XXIII.

commouerunt, ut in actu quodam abolitionis grauaminum Gen. Equ. Ordini ao. 1684. liberam Mercaturam in urbibus a mari remotioribus, & maritimis, tenore Diui Sigismundi Regis, Gotthardi, Friderici & Jacobi Ducum concessorum Priuilegiarum, declarationum, & Rescriptorum, neque minus Confirmationis Sacrae Regiae Maiestatis Joh. III. promitteret. Quamprimum id Ciuitates compellerunt, hoc adhuc pro conseruatione iurium suorum fecerunt, quod in earum eneruato statu adhuc fuit possibile, nempe quod sibi iudicialiter interposita Manifestatione, Iurium Reseruatione, & Protestatione sub No. XXIII. prospexerint. Subsequuta demum mors Friderici Casimiri, Minorenitas Ducis Friderici Wilhelmi, bellum cruentum ad annum 1720. protractum, pestis, & aliae notoriae calamitates Ciuitates ad extrema tandem adduxerunt. Vix vero Ciuitates quibusdam proxime praeteritis annis quaedam incrementa ceperunt, cum omnia in hoc turbido statu retrogradiuntur, & id accedit, quod Gen. Equ. Ordo talia sibi vult attribuere, quorum libero ac imperturbato exercitio Ciuitates in statu meliori conseruari adhuc potuissent.

Quae iura pro Ciuitatibus in hoc militant, tam clare praemissa relatio docet, vt vltiori deductione speciali Ciuitates superfedere possint. Omnes illarum Prouisiones, Ducales Politiae, & Regiae confirmationes istis iuribus nituntur, quae iam ante Pacta Subiectionis Ciuitates habuerunt. Nam Ciuitatibus ius exercendi mercaturam iam est acquisitum a prima fundatione, & Jus Germanorum proprium, in quo Curlandia in ipsis Pactis Subiectionis & Priuilegio D. Sigismundi Augusti est fundata, concedit Ciuibus iura municipalia & inter ea liberam rem mercatoriam cum exclusione eorum, qui non gaudent iure ciuitatis, & oneribus ciuitatensibus non subfunt. Idem dicit Jus Rigense, & Wendense, quibus Vindauia, Goldinga & Libauia sunt priuilegiatae, vt superius adducta Priuilegia expressis verbis hoc continent; imo Jus Wendense antiquum, a D. Rege Stephano de nouo confirmatum, inter alia sic loquitur: *Constituimus & sancimus, vt Locumtenentes, & Capitanei arcium & alii Nobiles in praeiudicium nostrae urbis contra antiquam consuetudinem & ius mercaturam non exerceant. Interdicimus quoque seuerè, ne commeatus mercium ad Ciuitatem nostram Wenden subditis suis hominibus & Kneibonibus impediunt & reprimant.*

Econtrario quae Nobilitas pro se adducit, tam caduco stant fundamento, vt partim per se corruant, partim paucis remoueri queant. Quapropter ne opus quidem est, ad iuris axioma recurrere, vi cuius Priuilegiatus posterior contra aequè priuilegiatum anteriorem non gaudeat priuilegio. Nam si ita esset, quod tamen falsum, vt Nobilitati Priuilegio Dom. Sigismundi libera mercatura extra prouentus praediorum suorum sit concessa, illa tamen eam ad Ciuitates, quae iam ante ius non Ciues ab hac excludendi acquisitum habuerunt, & ipsis per Pacta Subiectionis conseruatio iurium suorum tam sanctè promissa, vi allegati axiomatis extendere, & contra illas ea vti non posset. Ita & ratione Libaviae quoque, cum Nobilitas nunquam in illa ius quoddam habuit, per concessionem Juris illius Municipalis, quod omnibus Ciuitatibus ex ipsa fundatione accrescit, nihil Nobilibus ademptum est, praesertim cum iam in Pactis Subiectionis extet: *Subditos vero Principis & Nostros Clementia & benignitate Nostra Regia profecuturos, ornatueros, & aucturos in Nos recepimus, & praesentis iuris iurandi Nostri Regii interuentu recipimus.* Attamen in Priuilegio D. Sigismundi Augusti ne iota quidem, quod Nobilitas de mercatura illa venditat, continetur, & Ciuitatibus nihil hac in re adimnitur, imo bene pensitatum non leuia potius pro Ciuitatibus suppeditat argumenta. Secun-

Secundum, quod Nobilitas pro se allegat, est Priuilegium Ducis Gotthardi, in quo verba ita sonant: *Suis optima, quae potest esse utilitate, vtantur & in his suis liberam rem cauponariam ac emtionem & venditionem aliasque utilitates omnimodas habere valebunt.* Adestne quaeso vnicum hic verbum, quod Nobiles liberam rem mercatoriam, vti praesumunt, nempe in prouincia tota merces corradendo & commercando reuera mercatorem agere, aut in Ciuitatibus ipsis, & quidem cum exteris eo aduenientibus hoc negotiationis mercatoriae exercitium habere possint? Vi allegati Priuilegii reuera Nobilitati tantum, quantus esse potest, quaestum ex frugibus & prouentibus suis commercando, & in cauponis suis facere ita, vt terra & aqua ab omnibus Teloniis immunes sint, conceditur; libera autem negotiatio seu exercitium mercaturae, quod solis ciuitatibus & mercatoribus in iis competit, neutiquam ipsis permitti potest, si ciuitates non dicam accrescere, & conseruari, sed tantum stare debeant. Nam hoc Nobilitati concessio, quid ciuitates habere, & vnde earum Ciues panem quotidianum comparare debent? quoniam ipsa & tota mercatura Ciuitatum in eo tantum consistit, quod ex emtione & venditione frumenti, vini adusti, mellis, cerae, seminis linei, salis, ferri, halecum, & rei tabernariae item coquenda & vendenda cereuisia comparatur. Actum tunc quoque est de Teloniis, a quibus Nobiles immunes sunt, quae tamen vnicum redditum his temporibus exhibent, a quo conseruatio Regiminis & portuum dependet.

Tertio allegatur Priuilegium quoddam Ducis Friderici hac in re Nobilibus datum, sed nondum in lucem prodiit, & forsitan nunquam apparebit, nisi sit illa confirmatio iurium & Libertatum a Duce Gotthardo concessarum, in qua tamen hoc non continetur, quod Gen. Equ. Ordo Curlandiae pro se adducit.

Quod quarto Nobilitas ex Ducis Jacobi rescripto allegat, eius totum tenorem annexere sub No. XXIV. Ciuitates non verentur, quoniam in illo neutiquam extat, quod Nobiles exercitium mercaturae in vrbibus maritimis praetendant, vti iam explicare volunt, dum nunc Nobiles quidam in praediis suis immo in Ducalibus vrbibus adiacentibus omnes, quascunque possunt, merces in tota prouincia commercantur, ita vt paucissimae ad vrbes veniant, immo Librarium Mercatorium alunt, & cum exteris correspondentibus mercaturam exercent. Si talia Ciuitatibus interitum non arcessant, nescitur, quid illis maiori exitio esse possit? In supra adducto rescripto vero Nobiles districtus Libauiensis & Vindauiensis queruntur, quod sibi ne minimum quidem in Ciuitatibus vendere exteris, aut ab ipsis emere permitti velit, quod longe alia res est, quam rem mercatoriam in vrbibus exercere velle. Et tamen huius intuitu quoque rescripto annexum est, quatenus haecenus fuerint in possessione, quam nunquam habuerunt, & confirmationi Regiae clausula salutaris adiecta est, in quantum iuris & aequitatis est; quae clausula eo magis attendenda, cum Rescriptum Ducale ao. 1645. datum, ao. 1649. vero adductum Responsum Regium subsequutum sit.

Si modo Nobilitas ex hoc Rescripto & anterioribus putatiuis Priuilegiis tam indubitatum ius habuisset, nunquam Decreta de ao. 1644 & 48. sub No. XI & XII. annexa lata essent, & nunquam in Laudo publico de ao. 1636. 1648 & 1662. ad decissionem Regiam rem remitti Nobiles passi essent.

Quum quinto Responsum Regium pro Ciuitatibus datum, & eius confirmationes subsecutae sunt, quae non clanculum, sed publice ex praeuio publico remisso, & in praesentia Gen. Delegati Gen. Equ. Ordinis factae sunt; comprehendi non potest, quem valorem illa a Nobilitate ao. 1677. a D. Rege Johanne III. sub & obreptitie in contrarium exportata putatiua confirmatio liberae mercaturae habere debeat, vt taceatur, quod Rescriptum

No.
XXIV

tum illud Ciuitatibus nunquam rite insinuari curatum sit, sed reconditum Nobiles illud penes se habuerint; & quidni haberent? cum confirmatio illa manifesto talibus allegatis fundamentis superstructa sit, quibus Nobilitas in totum destituta est: expediti autem iuris est, quod eiusmodi Rescripta, quae allegationibus rei veritati contrariis nituntur, eo ipso sint irrita, & omni effectui careant. Hinc necesse non est, ut adiungatur, quod ne in hac quidem confirmatione ea contineantur, quae iam Nobiles praetendunt. Nam loquitur tantum de venditione prouentuum suorum praediorum & emtione, quae ad victum & amictum pertinent, nunc autem agitur de vero Mercaturae & Negotiationis exercitio, quod mercatoribus in Ciuitatibus competit. Quod autem attinet ad emtionem subditorum in foris Ciuitatum publicis, discrimen faciendum inter nundinas & fora hebdomadalia, quod discrimen in omnibus, quot sunt vrbes, in eo consistit, quod in illis peregrinis seu non incolis cum exteris seu non incolis negotiari permissum, neutiquam autem in his, quae ad prospiciendum solis Ciuitatibus de suo victu sunt instituta. Itaque ipsi instituto contrarium foret, si peregrinis & exteris ea, quae ad victum & sustentationem incolarum urbium tantum destinata sunt, praeripere permetteretur.

Et talis Ordo in bene ordinatis Ciuitatibus Germanicis sic quoque Ducatum Curlandiae & Semigalliae viget, ut horae antemeridianae incolis ad suas necessitates in foris hebdomadalibus assignatae, horis autem pomeridianis peregrinis, inter quos omnes, qui non in ipsa vrbe habitant, computantur, emtio ad victum & amictum necessariorum permittitur, nullatenus autem quae ad negotiationes mercatorias pertinent; maxime quum istae coemtiones Kmerthorum Nobilitatis in foris hebdomadalibus praesumptae, in vetita iure & Legibus propolia degenerent, dum satis exploratum hoc est, Kmethones Nobilium, qui in foris ciuitatum frumenta emunt, maximam eorum partem, in finitimam Liunioniam Russicam deuehere & ibi diuendere.

Vltimum quod pro se Gen. Equ. ordo hoc in puncto allegat, sunt nouiora Lauda publica. Sed merito quaerendum, quomodo Nobilitas de his, quae pro Decisione ad Regem tanquam Dominum Supremum spectant, valide & eo effectui concludere possit, ut Ciuitatibus conclusa ipsius praeiudicio esse queant?

DEO gratias agunt Ciuitates humillimas, quod sibi adsit Rex iustissimus, qui hanc iniquitatem & oppressionem Ciuitatum non permittet, de quo eo certius persuasae esse possunt, quo certius est, quod iam in Pactis conuentis § 58. conseruatio iurium Ciuitatum Curlandiae praecautum sit, imo & cura salutis sui Regni & incorporatarum prouinciarum Sacrae Regiae Maieitati tanta fuerit, ut in diuersis pro Comitibus Regni General. emanatis Vniuersalibus, studium, incrementis urbium Regni, quibus Ciuitates Curlandiae vi incorporationis annumerandae, consulendi, paterne commendetur.

Recurrunt itaque Ciuitates in hoc praesentissimo periculo, & calamitate ad Patrocinium, & tutamen Regis sui longe Clementissimi, & iustitiam eius implorant, humillime supplicantes, ut se circa sua priuilegia, & antiquum, & laudabilem usum, ac obseruantiam, Exercitia Iurisdictionum, & commerciorum, Responso Regia, & confirmata Jura Municipalia seu ordinationes politicas conseruari, incrementa capere, & efflorescere pro iustitia sua regia curet, ac proinde allegatum nuperrimum Laudum Publicum Gen. Equ. Ordinis in tantum, in quantum Ciuitatum Juribus & Immunitatibus praeiudicat, omni effectui destitutum declarare, praeiudiciofa conclusa rescindere, & pro autoritate Regia Sanctione peculiari Ciuitates contra vltiora tentamina & suppressiones efficacissime securas reddere clementissime dignetur.

ANNEXORVM

No. I.

WIPIS z Xiąg Grodzkich Xięstwa Zmuydzkiego.

Roku Tysiąc Siedmset Cztyrdzieslego Szostego Miesiaca Augusta Dwudziestego wtorego dnia.

Na Vrzędzie J. Kr. Msa. Grodzkim Xięstwa Zmuydzkiego Przedemną Alexandrem Jerzym Billewiczem Ciwonem Wielkich Dyruian, Rosienskim Woynutskim Starostą, Koniuszym Podstaroscim, Sadowym Xięstwa Zmuydzkiego Comparendo Personaliter Jm. Pan Marcin Wizgintt Nomine Magistratow Miast Xięstwa Kurlandskiego solenną Zaniosl Manifestacyą sequenti tenore: Comparuerunt coram officio Actisque Castrensibus Ducatus Samogitiae per Generosum Martinum de Giniat Wizgintt Plenipotentiarium suum Ciuitates Ducatum Curlandiae & Semigalliae, in Copia parata inferentes, quatenus Magistratus Praefatarum Ciuitatum quidem ad Mandata Regiminis Ducatum Curlandiae & Semigalliae sub dato Mitauiae die vigesima septima Maii Anni currentis extradita, vt per Deputandum intra spatium quatuordecim dierum exemplar Fide dignum Statutorum, Iurium, & Priuilegiorum suorum eam ob causam inferrent, quia Generosus Equestris Ordo in Publico Conuentu Prouinciali, qui iam Mitauiae celebratus fuerit, questus sit, nonnulla in iis quae Juri Publico & iuribus Nobilitatis aduersa essent contineri, per certos Deputatos ex debito Regimini Ducatus Curlandiae Respectu, sua Statuta & Ordinationes Iurium Ciuitatensium seu Politicas, vti quaedam hoc nomine veniunt in Copiis vidimatis exhibuerint, sed simul in Literis Supplicibus Cancellariae Ducatum Curlandiae & Semigalliae die decima tertia Junii Anni currentis productis sibi sollemnissime praecustodiuerint, vti hae Ordinationes & Statuta Ciuitatum quae robur suum ex Clementissimis Serenissimorum Regum Poloniae tanquam Supremorum Dominorum Confirmationibus haberent, & nunquam Arbitrio & Placito Generosi Equestris Ordinis Curlandiae & Semigalliae subiectae fuerint, Disiudicationi Generosorum ad Conuentum Publicum Deputatorum proinde neutiquam exponerentur & traderentur, sed potius Ciuitates contra omnes actus sibi & Iuribus suis praeiudiciosos praesertim contra Disiudicationem & Reformationem Iurium, Immunitatum & Priuilegiorum Regionum Ciuitatibus concessorum a Generoso Equestri Ordine, & Eius ad Conuentum publicum Deputatis faciendam, omne Jus competens sibi sartum tectumque reseruarent & ad Protectionem & Tutamen Sacrae Regiae Maestatis ea qua par est deuotione prouocarent. Cum autem non sine maxima Consternatione Ciuitatibus compertum sit, non solum Nobilitatem in Conuentu Prouinciali per Laudum Publicum de dato Mitauiae vigesima septima Julii Anni currentis in ea etiam conuenisse, quae Iuribus Ciuitatum bene acquisitis Immunitatibus & Priuilegiis a Regibus Serenissimis Regni Poloniae hactenus clementissime datis, e Diametro contraria sunt, ac in exitium Ciuitatum tendunt & sibi maxime praeiudiciosa Placita, quae in Generosi Ordinis Equestris arbitrio posita haud sunt, condidisse, sed etiam sua Statuta & Ordinationes Politicas a Serenissimis Regibus Poloniae tanquam Supremis Dominis in perpetuum Clementissime con-

firmata, eius arbitrio & futurae Reformationi distribuisse. Quapropter commemoratae Ciuitates contra Conuentionem adductam, praementionatumque Laudum Publicum, in quantum sibi praeiudicant, omnia Jura sua Juriumque Beneficia praefertim Possessionis per omnia & in omnibus salua & integra sibi referuando, quam Solennissime & in optima, qua fieri potest Juris Forma hisce iudicialiter protestantur, sibi praeiudiciosis Punctis contradicunt ac rogant, vt Protestatio haec Juriumque Ciuitatenfium Referuatio Actis his Castrensibus inferatur sibi praeiudiciale extradatur, in cuius Fidem Authenticum hoc Exemplar extraditum est. Ktora to takova Protestacya iest do Ksiag Grodzkich Xwa. Zmydskiego przyjeta, y zapisana. Zktorych y ten Wypis pod Pieczęcią Vrzedową Grodzką Xwa. Zmydskiego Parti Requirenti iest wydana. Actum w Rosieyniach, anno & die ut supra.

(L. S.)

Michal Gorski,
Star. melorz. Sędz. Grodz. Zmydz. Por. II.
In Absentia Wgo. Im. Pana Pifarza
Xwa. Zmydz.

Correxī Bunar, Sę. G. Xwa. Zmydz.

Manifestatia Magistratow Miast Xięstwa Kurlandskiego.

No. II.

MICHAEL Dei Gratia Rex Poloniae Magnus
&c. &c.

Significamus praesentibus literis nostris quorum interest vniuersis & singulis. Productas fuisse coram nobis per Spectabilem Martinum Gamper Plenipotentem Ciuitatis Goldingae in Curlandia literas pargameneas manu Illustrissimi in Liuania, Curlandiae & Semigalliae Ducis subscriptas, sigilloque eius pensili munitas, germanico charactere scriptas, Jura & priuilegia eiusdem Ciuitatis Goldingae in se continentes, sanas, saluas & illaefas, omnique suspicionis nota carentes, intercessisseque apud Nos pro eadem Ciuitate certos Consiliarios Regni, vt easdem literas autoritate nostra Regia approbare, confirmare, & ratificare dignaremur, quarum literarum tenor hic sequitur. Von Gottes Gnaden Wir JACOBUS in Liefland, zu Curland und Semgallen Herzog ic. Uhrkunden und bekennen hiemit für Uns, Unsere nachkommende Herrschaft, und allermänniglich, daß Uns von E. Erb. Rath und Gemeinde Unser Stadt Goldingen, Ihre nachfolgende auf Pergament beschriebene ic. ic. Nos itaque MICHAEL Rex praedictae supplicationi benigne annuentes, praeinsertas literas Ciuitati Goldingenfi ab Illustrissimis Ducibus Curlandiae & Semigalliae concessas & seruientes, in omnibus earum punctis, clausulis, articulis, conditionibus, paragraphis, ex plenitudine potestatis Nostrae Regiae, approbandas, confirmandas, innouandas & ratificandas esse censuimus, vti quidem approbamus, confirmamus, innouamus, & ratificamus, defectus omnes, si qui in eisdem literis reperiuntur, autoritate Nostra supplemus praesentibus literis Nostris, vim & robur debitae ac perpetuae firmitatis, in quantum earum vsus habetur, & legi non repugnant, semper obtinere debere easdem decernentes. In quorum maiorem fidem praesentibus manu Nostra subscriptis, Sigilla Regni & Magni Ducatus Lithuaniae subappendi iussimus. Datum Cracouiae in Comitibus Felicis Coronationis



tionis Nostrae Die IX. Mensis Nouembris, Anno Dni. MDCLXIX. Regni
Nostrae Poloniae Primo Anno.

Michael Rex.

*Confirmatio iurium Ciuitatis Goldingensis
in Curlandia*

Valerianus Stanislaus Rogatianus,

Jud. M. D. L. Notr. mpp.

(L. S.)
(R. P. pens.)

(L. S.)
(M. D. L. pens.)

No. III.

MICHAEL Dei Gratia Rex Poloniae Magnus &c. &c.

Significamus praesentibus literis nostris, quorum interest, vniuersis & singulis. Exhibuisse Nobis Spectabilem Martinum Gamper Plenipotentem Ciuitatis Windauensis in Curlandia Quatuor literas papireas Authenticas, Instrumentis Notariorum Publicorum per modum vidimus comprehensas, Jura & Priuilegia ab Illustrissimis in Liuania Curlandiae & Semigalliae Ducibus, eidem Ciuitati Windauensi ex antiquo concessa, in se continentes, sanas, saluas & illaefas, Omnique suspicione vacuas. Supplicatumque Nobis nomine eiusdem Ciuitatis, per certos Consiliarios Regni, vt easdem literas de plenitudine Potestatis Nostrae Regiae approbare, innouare & confirmare dignaremur. Quarum literarum tenor hic sequitur & quidem Priorum eiusmodi

Sie WOLTER von PLETTENBERG, Meister tho Liefeland, 2c. 2c. Nos itaque MICHAEL Rex dictae Supplicationi benigne annuentes, praeinserta Quatuor Instrumenta Jura & Priuilegia Ciuitatis Windauensis in se complectentia in omnibus eorum punctis, Clausulis, articulis, conditionibus approbanda, innouanda & confirmanda esse duximus, vt quidem de plenitudine Potestatis Nostrae Regiae approbamus, innouamus, confirmamus, defectus, si qui in eis reperiuntur, Authoritate Nostra, supplementum, praesentibus litteris nostris, vim & robur debitae ac perpetuae firmitatis, quantum Juri publico non repugnant, & vsus earum habetur, semper eas obtinere debere, decernentes. In quorum fidem praesenti manu nostra subscriptas Sigillis Regni & Magni Ducatus Lithuaniae subappensis muniri iussimus. Datum Cracouiae in Conuentu felicitis Coronationis Nostrae die IX. Mensis Nouembris Anno Domini MDCLXIX. Regni Nostrae Poloniae Primo Anno.

Michael Rex.

(L. S.)
(R.)

(L. S.)
(M. D. L.)

No. IV.

VLADISLAUS Dei Gratia Rex Poloniae Magnus Dux,
&c. &c.

Significamus praesentibus litteris nostris, quorum interest, vniuersis & singulis, supplicatum Nobis humillime fuisse nomine Ciuitatis Mitouensis Ducatus Curlandiae, vt eam circa iura Statuta, Libertates & Concessio-



cessionem ab Illustri Principe Domino FRIDERICO in Liuania Curlandiae ac Semigalliae Duce datas, & Statum eius Ciuitatis tam Ecclesiasticum quam Secularem, & limites atque granities continentes, quae Nobis in originali exhibita fuerunt, conseruare, ac illa & illas confirmare, approbare, & ratificare dignemur. Nos iustae huic Supplicationi annuentes, pro auctoritate nostra Regia, Jura, Statuta, Libertates & Concessionem & omnia ac singula in iis statutis & concessionibus contenta, cum omnibus & singulis illorum punctis, clausulis & continentiis ex certa scientia nostra confirmamus, approbamus, & rati habemus, ipsaque & ipsas perpetuum firmitudinis robur obtinere volumus. In cuius rei fidem praesentes manu nostra subscriptas Sigillo Regni, Magnique Ducatus Lithuaniae communiri iussimus. Data Wilnae die XXIII. mensis Iulii, Anno Domini MDCXXXIII. Regnorum nostrorum Poloniae primo & Sueciae secundo &c.

Vladislaus Rex. (L.S.)
(R. pens.)

(L.S.) Marcianus Trispha,
(M.D.L.) Referendarius & Notarius Mag.
(pens.) Duc. Lithu.

No. V.

JOANNES CASIMIRVS Rex Poloniae Magnus &c. &c.

Significamus pluribus his Nostri quorum interest vniuersis & singulis, supplicatum nobis humillime fuisse nomine Ciuitatis Mitouienfis Ducatus Curlandiae, vt eam circa iura Statuta libertates & Concessionem ab Illustri Principe Domino FRIDERICO in Liuania Curlandiae, ac Semigalliae Duce datas & Statum eius Ciuitatis tam Ecclesiasticum quam Secularem, & Limites atque granities continentes, quae nobis in Originali exhibita fuerunt, conseruare, ac illa & illas confirmare, approbare, & ratificare dignemur. Nos iustae huic Supplicationi annuentes pro auctoritate Nostra Regia iura, statuta, libertates & concessionem & omnia ac Singula, in iis statutis & concessionibus contenta, cum omnibus & Singulis illorum punctis clausulis, & continentiis pro vt Serenissimus Diuae mem. VLADISLAUS IV. Rex, Praedeceffor & Frater noster desideratissimus ipsaque tali Privilegio suo de Actu & dato Vilnae die XXIII. mensis Iulii Anno MDCXXXIII. confirmauit, ita & nos confirmamus, approbamus, & rati habemus, ipsaque & ipsas perpetuum firmitudinis robur obtinere volumus, in cuius rei fidem praesentes manu Nostra subscript. Sigill. Regni & Magni Duc. Lithuan. communiri iussimus. Datum Cracouiae in Conuentu Regni Generali felicitis Coronationis nostrae die decima Mensis Februarii, Anno Domini MDCLIX. Re:

Joannes Casimirus Rex.

(L.S.)

(L.S.)

Matths Cilecky,
Secr. Regmtis.

No. VI.

MICHAEL Dei Gratia Rex Poloniae Magnus &c. &c.

Significamus praesent. literis Nostri quorum interest vniuersis & singulis, supplicatum Nobis fuisse nomine Ciuitatis Mitauienfis Ducatus Curlandiae, vt eam circa Jura, Statuta, libertates & Concessionem, ab Illustri Prin-

Principe Domino FRIDERICO in Liuania Curlandiae ac Semigalliae Duce datas & statum eius Ciuitatis, tam Ecclesiasticum, quam Secularem & limites atque Granities continentes, quae Nobis in Originalis Transumpro Notarii Publici Nobilis Bartholdi Meyer dicti Rautenfels subscriptione & Sigilli Judicialis Ducalis appresione authenticato exhibita fuerunt, conseruare ac illa & illas, confirmare, approbare & ratificare dignaremur. Nos iustae huic Supplicationi annuentes, pro autoritate Nostra Regia Jura, Statuta, Libertates & Concessionibus & omnia ac singula in iis Statutis & Concessionibus contenta, cum omnibus & singulis illorum punctis, clausulis & continentiis, prout Serenissimi Praedecessores Nostri Vladislaus IV. & Johannes Casimirus, specialibus Priuilegiis suis, vno de Actu & dato Vilnae die vigesima tertia Mensis Iulii, Anno Domini MDCXXXIII. altero Cracouiae in Conuentu Regni Generali felicitis Coronationis die decima Mensis Februarii, Anno Domini MDCXLIX. confirmauerunt, ita & nos confirmamus, approbamus & rati habemus, Ipsaque & ipsas perpetuum firmitatis robur obtinere semper debere volumus. In cuius rei fidem praesentes manu Nostra Regia subscriptas Sigillis Regni & Magni Ducatus Lithuaniae subappensis muniri iussimus. Datum Cracouiae in Conuentu Regni Generali felicitis Coronationis Nostrae die IX. Mense Nouembris, Anno Domini MDCLXIX. Regni nostri Poloniae Primo Anno.

Michael Rex.

(L.S.)
(R.)

(L.S.)
(L.S.)
(M.D.L.)

Valerianus Stanislaus,
Judic. Archid. Viln. M.D.L. Notar.
mpr.

No. VII.

JOANNES CASIMIRVS Dei Gratia Rex Poloniae &c. &c.

Significamus praesentibus literis Nostris, quorum interest vniuersis & singulis. Exhibitas Nobis esse tres pargameneas, manu Serenissimi olim Vladislai IV. Fratris Nostri Charissimi subscriptas Sigilloque Regni communitas, continentes in se confirmationem Jurium Statutorum ac libertatum Ciuitatis Bauscensis Ducatus Curlandiae, ab Illustri olim Principe Domino Friderico in Liuania Curlandiae & Semigalliae Duce in Anno Millesimo Sexcentesimo Trigesimo Quinto, prima die Mensis Augusti Anenburgae datas, & concessas, ac seorsuo diplomate eiusdem Illustritatis suae contentas, coram Nobis itidem productas, manu ipsiusmet Illustri Principis subscriptas, Sigilloque communitas sanas saluas, ac omni suspicionis nota carentes. Supplicatumque Nobis, vt easdam literas tam Serenissimi olim Vladislai Fratris Nostri Charissimi confirmatorias, quam etiam ipsas originales ab Illustri olim Friderico in Liuania, Curlandiae & Semigalliae Duce emanatas, autoritate quoque Nostra Regia approbare, ratificare, & confirmare dignaremur. Quarum quidem Serenissimi olim Vladislai literarum tenor de verbo ad verbum sequitur huiusmodi: VLADISLAUS IV. Dei Gratia Rex Poloniae, Magnus Dux Lithuaniae, Russiae, Prussiae, Masouiae, Samogitiae, Liuaniae, Smolensky, Czernichouiaeque, nec non Suecorum, Gothorum ac Vandalorum haereditarius Rex. Significamus praesentibus literis Nostris; quorum interest vniuersis & singulis, supplicatum Nobis fuisse per certos Consiliarios Nostros nomine Ciuitatis Bauscensis Ducatus Curlandiae,



diae, vt eam circa Jura, Statuta, libertates, & concessiones ab Illustri olim Principe Domino Friderico in Liuania Curlandiae & Semigalliae Duce in Anno Millesimo Sexcentesimo trigesimo Quinto prima die Mensis Augusti Annenburgae datas, & statum eius Ciuitatis tam Ecclesiasticum, quam Saecularem & limites atque granities iurisdictionemque Ciuilem continentes quae Nobis in originali eiusdem memorati Illustri Principis manu propria subscriptae Sigilloque eiusdem munitae exhibitae fuerunt, integre, pacifice, ac inuiolabiliter conseruare omniaque & singula, quae in illo Ducalis Diplomatis Originali continentur, confirmare, approbare, & ratificare dignamur. Cui Consiliariorum Nostrorum pro memorata Ciuitate Bauscensi interpositae Supplicationi eo in primis attento, quod illa ipsa Ciuitas sub totum belli Gustauiani tempus, Serenissimo olim Parenti Nostro desideratissimo, ac Nobis ipsis fidelis extitit, nec minis aut pollicitationibus tenore subiectionis Nobis debitae suam in manus hostium tradidit constantiam, benigne ac clementissime annuentes, de plenitudine supremae potestatis auctoritatisque Nostrae Regiae, omnia eadem iura, statuta, libertates, concessiones, non solum ex parte negotiationum, mercationum, commodorum, Vtilitatum, limitum, granitiorum, sed & ex parte ipsius iurisdictionis Ciuilis, quam a nemine ab hoc tempore praeiudiciose debilitandam, aut infringendam quoquo modo volumus, vniuersaque & singula in iisdem statutis & concessionibus Ducalibus contenta, in omnibus eorum punctis, clausulis, articulis, conditionibus, contentis ac ligamentis, ex certa & speciali scientia Nostra Regia praesentis huius Priuilegii Nostri vigore confirmamus, approbamus & ratihabemus, atque adeo perpetuae firmitatis robur obtinere declaramus atque statuimus. In quorum fidem praesentes manu Nostra subscriptas Sigillo Regni Nostri communiri iussimus. Datum Varsoviae die octaua Mensis Februarii, Anno Domini MDCXLV. Regnorum, Nostrorum Poloniae XII. Suec. vero XIII. Anno. VLADISLAVS Rex. THOMAS VIEYSKI, *Reg. Majest. Secretar. mpp.* L.S. Nos itaque JOANNES CASIMIRVS Rex, praefatae supplicationi nomine eorundem Ciuium Bauscensium apud Nos interpositae vti iustae, benigne annuentes, de plenitudine supremae potestatis auctoritatis Nostrae Regiae, omnia eadem iura, statuta, libertates, immunitates, ac concessiones in superscriptis, tam Serenissimi olim Vladislai Fratris Nostri, quam & Originalibus ab Illustri olim Duce Curlandiae Friderico datis expressas, ac si hic de verbo ad verbum insertae, approbandas, confirmandas & ratificandas esse duximus, prout quidem auth. Nostra in omnibus punctis, clausulis, articulis, Conditionibus ac ligamentis approbamus, confirmamus & ratificamus praesentis Priuilegii Nostri vigore, easdemque robur debitae firmitatis obtinere debere volumus, ac statuimus. In quorum omnium fidem, praesentes manu nostra subscriptas, Sigillis Reg. & M. D. L. communiri mandauimus. Datum Cracouiae in Comitibus felicitis Coronationis Nostrae die XIII. Mensis Februarii. Anno Domini MDCXLIX. Regnor. Nostror. Polon. & Suec. Primo.

Joannes Casimirus Rex.

(L.S.)
(R.)

(L.S.)
(M.D.L.)

Matths Cielecky,
Secr. Reg. Maj.

Confirmatio certorum Statutorum & Jurium Ciuitati Bauscensi in Curlandia ab Illustrissimo olim FRIDERICO Duce Curlandiae concessor: & a Serenissimo VLADISLAVO confirmator:

No.

No. VIII.

JOANNES Tertius Dei Gratia Rex Poloniae &c. &c.

Significamus praesentibus Litteris Nostris quorum interest vniuersis & singulis, exhibitas coram Nobis esse Litteras papireas infra scriptas ex vero Originali suo Priuilegio depromptas & ex fide nobilis Christiani Voldenscher Sac. Reg. Maestatis Nostreae & Sueciae Notarii publici iurati manu subscriptas & Sigillo ipsius munitas, sanas, saluas, illaesas, omnique prorsus Suspicionis Nota carentes, Priuilegium Serenissimi olim Diuae Memoriae Joannis Casimiri Praedecessoris nostri Ciuitati nostrae Libauienfi Ducatus Curlandiae, ratione mercimoniorum seruienti in se continentes; Supplicatumque nobis esse, nomine eiusdem Ciuitatis Libauienfis, quatenus easdem Literas autoritate nostra Regia, approbare confirmare & ratificare dignaremur, quarum quidem Literarum tenor de verbo ad verbum sequitur, estque eiusmodi.

JOANNES CASIMIRVS Dei Gratia Rex Poloniae &c. &c.

Significamus praesentibus Literis nostris, quorum interest vniuersis & singulis, quod cum ea sit Regis Principisque decentissima Virtus, vt non solum salutis integritatisque Populorum rationem habere, sed & eorum vtilitatem promouere cupiant, maxime tamen illis suam Imperantes testari debent benignitatem, quorum insignem erga se fidei Constantiam & Patriae salutis defendendae calamitoso rerum statu egregiam curam expertam habent. Quam cum Libauienfis Ciuitas, hoc afflicto Ducatus Curlandiae per hostium ferociam tempore singulari fidelique Zelo, procul dubio praestitisset, neque sumptibus ad sui Patriaeque Defensionem, reique tormentariae nobis insuper subministrationem pepercisset, facile Regiam nostram in se conuertit beneficentiam, vt tam bene merita Ciuitatis rationem haberemus, eamque munificentia nostra pro gratia nostra prosequeremur. Itaque quo maiora in dies incrementa, debitorumque hac calamitate contractorum fumere posset Leuamen, subueniendum ea in re supplicationi eius, omniaque, quae huius Ciuitatis Jura vtilitatemque impedire videbantur, tollenda volumus, volumusque praesentibus Literis nostris. Inprimis vero quoniam praeteritis Annis, tam Nobiles ipsi Curlandiae Incolae, quam ducales officiales sine omni Jure Lucri tantum proprii privatique gratia Ciues Libauienfes mercimonia sua, frumenta, pecora empta, aut vendenda, tam naturali fluuio inferiori Bartauschenfi, quam terrestri itinere ducentes impedire, detinereque soleant; ne amplius vllus eos tam ex magno Ducatu Lithuaniae quam aliis finitimis Ditionibus, Mercimonia frumenta, pecora, resque alias, inuehendis, aut ex Ducatu Curlandiae, terra seu fluuio Barthauschenfi euahentes impedire detinereque audeat, sed tuto, secure, & libere persoluto publico solitoque Thelonio transire, abhinc perpetuo, absque vlla priuata exactione permittat, habereque volumus, sub refusione damnorum & poenis contra violatores Securitatis, nostrique Priuilegii sancitis.

Non minus damnum inferunt dictae Ciuitati Libauienfi Ciues Mitauienses, alique Ducatus Curlandiae & Semigalliae incolae, cum merces suas, frumenta, caeteraque venalia Libauiam Curribus deuehendo, illa aut extraneis Mercatoribus diuendunt, aut ipsi Conductis ad id nauibus ex eo Loco ad extraneas Ciuitates auhant. Ob quam causam mercium, fru-

men-

mentorūque Ciuium Libauiensium venditio retardatur, vilesceatque. Habere itaque volumus, vt nulli Ciui Mitauensi, aut alteri cuiuspiam Ducatus Curlandiae & Semigalliae, quascunque merces Libauiam advexerit, illas Nemini extraneo Mercatori, nisi Ciuibus Libauiensibus diuendere, neque inde conductis Nauibus ad exteras vrbes, Ciuitatesque euehere, sub confiscatione Mercium liceat. Quia vero in graue Ciuium Libauiensium praeiudicium damnumque multi Aduenarum Mercatorum Factores, tacitique Negotiatores, in Ciuitate Libauiensi reperiuntur, qui deposita non diuendita Extraneorum Mercimonia vario praetextu apud se seruando, aut quasi a se empta simulando, viliorique postea precio vendendo, magnum, Ciuibus inferunt per eas factiosas Negotiationes, damnum; Nemo in futurum similis factionis extraneae Negotiator, post discessum Nauium, vllas merces cuiuspiam alteri, nisi Ciuibus Libauiensibus pretio in foro publico pro tunc currenti, vendere, multo minus eas ab Aduenis, seu incolis eum in modum emere, nisi more Ciuitatis eius solito, audeat, sub amissione mercimoniorum rerumque. Accedit ad incommodum & vtilitatis praefatae Ciuitatis impedimentum, quod vicini eius bonorum Nobilium Arendatores, Agricola, frumenta, ceteraque Semina, & fructus aggreſtes, in Ciuitatem vehentes in via detinerē, eadem ab ipsis emere, tum demum ipsi Ciuibus Libauiensibus in maiori precio vendere soleant; vnde & anona Caritas, & oppidanorum inopia oriri consuevit. Ne proinde cuiuspiam vicino Arendatori, in posterum tales praepeditiones, praeiudiciaque eidem Ciuitati facere, seque Mercatorum negotiis immiscere liceat; sub amissione emptorum interdiciamus. Insuper quo memorata Ciuitas, maiorem gratiae nostrae Regiae Liberalitatem experiatur, modumque exsoluendorum debitorum incrementique sui habeat: quum Illustrissimus Curlandiae & Semigalliae Fridericus Dux ad decem Annos eadem de causa exactionem Censumque, ab omnibus in genere inuehendis & Nauibus euehendis Mercibus & frumentis, a singulis Centum florenis grossos sex dictae Ciuitati Libauiensi concesserat; Nos ex benignitate nostra Regia eam exactionem, in bonum commodumque eius Ciuitatis publicum conuertendam meliorando scilicet per grossos Decem a Singulis centum florenis ab omnibus in genere & specie mercimoniis, frumentisque & pecoribus caeterisque rebus inuehendis aut euehendis, in perpetuum eidem Ciuitati Libauiensi concedimus, eamque penes omnes & singulas praefatas concessas immunitates, Nos, conseruatuos, pro nobis & Serenissimis Successoribus nostris promittimus. Juribus Ducatus Curlandiae & Semigalliae per omnia Saluis, quod omnibus quorum interest, praesertim vero statibus ordinibus, nobilibus, Magistratibus, Omnibusque in vniuersum Ducatus Curlandiae & Semigalliae incolis, notum facientes mandamus, ut praedictam Ciuitatem Libauiensem, circa easdem a Nobis concessas libertates & ipsi conseruent, & ab omnibus obseruari curent pro gratia nostra. In cuius rei fidem praesentes manu nostra subscriptas Sigillo Regni Communiri iussimus. Datum Varſouiae die XXI. Mensis Februarii Auno Domini MDCLIX. Regnorum nostrorum Poloniae & Sueciae XI. Anno.

Joannes Casimirus Rex.

(L. S.)
(Reg.)

(L. S.)
(M.D.Litt.)

Priilegium ratione mercimoniorum Ciuitatis Libauienfis Ducatus Curlandiae.

Euaristus Joannes Belzecky.

Copia haec cum vero suo Originali, cum quo fideliter collata, de verbo ad verbum concordat.

Christianus Volderscher,

Sacr. Reg. Maj. Poloniae & Sueciae Notarius
publicus iuratus Manu mea.

(Locus ipsius Sigilli.)

Nos itaque JOANNES III. Rex Supplicationi praefatae vti iustae, benigne annuentes, praeinsertas Literas in omnibus earum punctis, Claufulis, Articulis, Nexibus & Ligamentis approbandas, confirmandas & ratificandas esse duximus, vti quidem (in quantum Communi Juri non repugnant) approbamus, confirmamus, & ratificamus, praesentibus Literis nostris decernentes easdem perpetuae firmitatis valorem obtinere debere. In cuius rei fidem, praesentes manu nostra subscriptas Sigillo Regni & M. D. Lithuaniae communiri iussimus Datum Varfauiæ in Comitibus Regni generalibus Die XII. Mens. Aprilis. Anno Domini MDCLXXVII. Regni nostri Poloniae III.

Joannes Rex.

(L. S. R.)
(penfilis.)

(L. S. M. D.)
(Lith. pens.)

Confirmatio Priilegii Serenissimi olim JOANNIS CASIMIRI & JOANNIS Tertii Ciuitati Libauienfi Seruiens.

Matthias Martianus Ladovsky,
Sacr. Reg. Maj. Secr. mpp.

No. IX.

Ad perpetuam rei memoriam Nos VLADISLAVS IV. Dei gratia &c. &c.

Significamus praesentibus literis nostris, quorum interest, vniuersis & singulis. Heroum & Prudentum magnorumque Principum esse, pro officio Magistratus sui a Deo impositi sedulo in id incumbere, curamque suam in eo solide defigere, vt Respublicas & Ducatus suos non solummodo reddant omnibus modis efflorescentes, adeo, vt ciuilis felicitatis apicem contingere valeant, verum etiam in puluere suo adhuc iacentes, aut collapsos, oppidorum & ciuitatum ornamentis illustrent, & sic muneris sui egregia & praeclara post se relinquant specimina; Id, quod cum testantibus veterum recentiorumque Literarum monumentis summi Reges & Principes in effectum deducere committerentur factum est, vt omnia fere Regna & Imperia in suis initiis exigua, postmodum praeclarissimarum ciuitatum & oppidorum multitudine & nitore amplissima resplendeuerint. Haec secum bene perpendens Illustrissimus olim Princeps Dominus Fridericus Curlandiae & Semigalliae in Liuania Dux Fidelis Princeps feudatarius, vt cum fasces Ducatus legitime acquisiisset, in ipsis ferme Bellonae furoribus in id incubuit, vt Ducatui suo oppidorum commoditatibus bene prospiceret, elegerat locum intentioni congruum ad Dunae fluuii ripam, fundum nimirum

rum in Bonis Sehrensibus ab olim Illustritate sua a Nobilibus quibusdam coemptis, iure terrestri in Illustrissimam Coniugem suam postea transfuso gaudentibus, sat amplum, cui fundo erectioni oppidi consecrato deesse nolentes, Incolae & Aduenae adeo confluerant, ut in egregiam multitudinem excresceret oppidum. Caeterum validius ingruente bello Carolino Suecico (uti assolet,) ciues iniuriarum bellicarum impatientes, alii alio concesserant, alii ferro hostili, fame & peste intereuntes oppidum suum reddiderant vacuum, adeo ut belli inclementia usque ad extrema vitae Illustritatis suae tempora penitus iacuit dirutum. Illustrissima autem Princeps Domina Elifabetha Magdalena nata Princeps Stetini, Pomeranorum in Liuonia Curlandiae & Semigalliae Ducissa, Cognata Nostra Charissima omnia praemissa apud animum suum perpendens, existimationemque suam & memoriam ducalem sacrae posteritati transmittere volens, in animum induxit, opus a Praedecessore ducali coniuge suo inchoatum, denuo reassumere, oppidumque in eo ipso Bonorum Sehrensium perpetuae Donationis iure ad se, & liberrimam suam dispositionem post Illustrissimum Coniugem suum deuolutorum loco resuscitare, eo ipso animi sui gratitudinem erga Charissimum olim Coniugem suum Curlandiae Ducem, & amorem erga Ducatus illius quoscunque Incolas contestatura, facta eo nomine per Generosos Consiliarios suos publicatione, areas, fundos & agros per sortes cuilibet Aduenae assignari iussit, & omnia expedire, quae ad rudimenta huius instituti pertinere videbantur. Verum enim vero cum nulla conuersatio ciuilis beata dici mereatur, nisi in ea sanctae Iustitiae ratio, & in omnibus actionibus ordo, anima politiae conueniens diligenter obseruetur; Jus huic oppido instaurando haecenus Neustetchen dicto, ab Illustrissima Ducissa in recordationem Illustrissimi Principis Coniugis olim sui Charissimi Fridrichstadt appellato, & ab hinc in posterum appellando, municipale conueniens adornari instituit, praememorata Illustrissima Ducissa Cognata Nostra charissima, tamen minus dubitet, omnia instituta eiusdem a pio Successore suo post fata sua obseruatum iri, tamen, ut alacrius homines & viri boni ad incolendum oppidum undique alliciantur, & iuris sui municipalis, immunitatumque ciuiliu in tantum certiores reddi possint, diligenter & officiose a Nobis per sedulas literas suas efflagitat, ut hocce institutum Illustritatis suae iusque municipale, adornandum, autoritate Nostra Regia approbemus, & confirmemus. Nos Illustrissimae Principis Ducalis Viduae Cognatae Nostrae Charissimae animi intencionem ad emolumentum Ducatus Regnique inde Nostrae directam magnificentes, merito hunc gratiosum affectum Nostrum Regium & apud inclytam rempublicam nostram condignam Laudem & apud Ducatum illum perpetuam grati animi tantae Principis memoriam mereri statuentes, institutum hocce laudabile Illustritatis suae, iusque municipale siue iam conscriptum siue de futuro conscribendum, cum in eo nihil iuri communi & consuetudinibus honestis contrarium contineri persuasum teneamus, & alias oppidi illius immunitates, in omnibus & per omnia in gratiam & fauorem Illustritatis suae, Cognatae Nostrae Charissimae uti quoque areas, & agros liberalitate Illustritatis distributos & distribuendos approbandum, rati habendum, & confirmandum esse duximus; prout quidem non solum approbamus, rati habemus & confirmamus, praesentibus litteris Nostris, sed etiam Nos ipsimet ad diligentem Illustritatis suae petitionem, oppidum illud, iuraque illius & immunitates patrocinio Nostro Regio fouebimus, tuebimur, & manutenebimus, utque ab aliis idem fiat, serio providebimus, perpetuae firmitatis robur iuri illi & immu-

nitatibus addicentes. Porro Nos pro Nobis & Serenissimis Successoribus
 Nostreis, promittimus easdem libertates, immunitates, priuilegia, & iura
 omnia oppido huic ab Illustritate sua concessa, firma, rata, inuiolataque a
 Nobis conseruatum neque quicquam eis tam in toto, quam in parte diminu-
 tum aut derogatum iri, quod & Serenissimi Successores Nostri praeftabunt.
 Quod ad omnium & singulorum, praesertim vero Dignitariorum, officia-
 lium, Magistratuumque terrestri & ciuili Ducatus Curlandiae pro tempore
 existenti notitiam deducimus, mandantes, vt praefatos Ciues & oppidanos
 Friedrichstatienses circa libertates, praerogatiuas, & immunitates priuile-
 gio Illustritatis suae, vel iure municipali ipsis concessas, illaese conseruent,
 & ab aliis quorum interest conseruari faciant, pro gratia nostra. In cuius
 rei fidem praesentes manu nostra subscriptas Sigilli Regni Magnique Duca-
 tus Lithuaniae communiri iussimus. Datum Warsauiiae in Comitibus Regni
 generalibus. Die XIV. mensis Iulii, Anni Domini MDCXLVII. Regnorum
 nostrorum Poloniae XV. Sueciae vero XVI. Anno. Praesentibus Reueren-
 tissimis, Reuerendis, Illustribus, Magnificis & Generosis Matthia Lubinsky
 Gnesnensi, Nicolao Krosnowski Leopoliensi, Archiepiscopis, Petro Gem-
 bicky Cracouiensi, Nicolao Gniewofz Vladislauensi, & Pomeraniae, An-
 drea Szoldrsky Pofnaniensi, Andrea Lesczinsky Culmensi, Stanislaq Pstro-
 konsky Chelmeni, Episcopis. Nicolao Potocky Castellano Cracouiensi,
 Supr. Exercituum Regni Generali, Simone Sczawinsky Bresten. Cuiauien.
 Palatino, Janussio Radziwil Duci Byrsarum & Dubincorum. Exercituum
 Magn. Duc. Litthu. Praefecto Campestri, Zbigneo de Goray Goraysky Ca-
 stellano Chelmen. Georgio de Theczyn Duce in Ossolim, Supremo Reg.
 Polon. Cancellario, Albrechto Radziwil Duce in Olika & Nieswietz, Supr.
 Magn. Duc. Litthu. Cancellario, Leone Casimiro Sapieha Magn. Duc. Litthu.
 Vice-Cancellario, Adamo Kazanowsky Curiae Regn. Marschalco. Nicolao
 Ostrog Pocillatore Reg. Zalesky Reg. Referendario, Stanislaq Skarzewsky
 Cancellariae Reg. Regent. Matthia Cielecky Secretariis & plurimis aliis Au-
 licis & Secretariis Nostreis fide dignis.

Vladislaus Rex.

(L. S.) (L. S.)
 (R.) (M. D. L.)

Consensus super locationem oppidi Ducissae Curlandiae per defunctum Maritum ipsius
 inchoati.

No. X.

AVGVSTVS III. Dei Gratia Rex Poloniae Magnus &c. &c.

Significamus praesentibus Litteris Nostreis quorum interest vniuersis &
 singulis. Productas coram Nobis esse Litteras pargameneas Germa-
 nico idiomate Scriptas, manu Illustrissimi olim Jacobi in Liuania Cur-
 landiae & Semigalliae Ducis subscriptas, Sigilloque eiusdem munitas, sanas,
 saluas, illaesas, omnique suspicionis nota carentes, libertates & immunitates
 ciuibus & Incolis tum Presbyteris Ordinis Diui Basilii Magni Ritus graeco vniti
 in Oppido Stoboda dicto sub Iurisdictione Officii Holmassensis, in Distric-
 tu Selburgenfi penus Dunam sito & iacente seruientes, in se continentes. Sup-
 plicatumque nobis est, quatenus easdem Litteras autoritate Nostra Regia
 approbare, confirmare & ratificare, dignaremur. Quarum quidem Lite-
 rarum

rarum tenor sequitur, estque talis : Von Gottes Gnaden Wir JACOBVS in Liefland zu Churland und Semgallen Herzog. Fügen hirc mit 2c. 2c.

Nos itaque AVGVSTVS Rex supra nominatus praefatae supplicationi benigne annuentes praeinsertas literas in omnibus earum punctis, clausulis, Articulis, Conditionibus & ligamentis approbandas, confirmandas, & ratificandas esse duximus; Vti quidem (in quantum iuris est, & vsus earum habetur) Authoritate Nostra Regia approbamus, confirmamus & ratificamus, decernentes easdem vim ex robur debitae ac inuiolabilis firmitatis obtinere debere, in quorum fidem praesentes manu Nostra subscriptas, Sigillo Regni & Magni Ducatus Lithuaniae communiri iussimus. Datum Grodnae die III. mensis Nouembr. Anno Domini MDCCXLIV. Regni vero Nostri XII. Anno.

Augustus Rex.

Casimirus Mtocki,
Dapifer. Wyisogro: Sac. Reg. Mtis. Sigilli
Maioris Regni Secretarius.

Felix Owfiany,
Pincerna Districtus Workowyfcensis, Sac.
Reg. Maj. Sigilli Maioris, M. D. L.
Secretarius.

Confirmatio Priuilegii Ciuibus & Incolis, tum Presbyteris Ordinis Diui Basilii Magni Ritus Graeco Vniti, in oppido Stoboda dicto sub Jurisdictione officii Holmoffensis, in Districtu Selburgensi, penes Dunam, in Ducatu Curlandiae consistente, collocati & seruientis.

(L. S.
R. P.)

(L. S.
M. D. L.)

No. XI.

Ad ea, quae Nobiles Parochiae Bauscensis contra Praeconsules, Consules & Ciuitatem ibidem attulerunt, haec vtriusque partis iuribus allegatis examinatis sententia fertur.

Extractum punctorum hac pertinentium.

Quae contra § 4. Ordinationis Politicae Bauscensis de redditibus Urbis Nobiles obiicere voluerunt, quoniam thalerus, qui a Ianionibus contribuitur, pro commodo Regiminis Ciuitatensis a Duce concessus, Princeps non videt, quomodo curas Nobilium modus ille contribuendi tangere possit.

Quoad § 5 & 6. eiusdem tituli iustum habetur, vt illi, qui in Domibus Nobilium habitant, & ad instar Ciuium quaestum Ciuilem exercent, id quoque praestent, ad quod alii obligati sunt, quod autem ad ipsos Nobiles si in Domibus suis habitant, trahi non potest, quandoquidem hac in re a Magistro Ordinis Woltero de Plettenberg, ao. 1511. eodem modo pronuntiatum est.

Sub Tit. de mensura.

Quoniam punctum aequalis mensurae totam Prouinciam tangit, & in nouissimo habito conuentu publico ad sequentem dilatatum, in quo aliquid certi statuendum est, sic in eo acquiescere oportet.

Sub

Sub Tit. de Nundinis.

In hoc puncto Ordinationi Politicae standum, sed in nundinis praefecturarum Ducalium Resolutioni, a Ducali Celsitudine pia memoriae opificibus datae, standum est.

§ 4. Quia circa hoc punctum (nempe ratione emtionis in foris hebdomadalibus) ante Ordinationem Politicam ita obseruatum fuit, sic & porro obseruandum est, emtione tamen Nobilitati quoad sibi necessaria libera.

De coquenda cereuisia.

Quia finis § 6. hominum propriorum tempore famis derelictorum Statutis & iuri communi conformis, sic merito illius dispositioni standum est.

§ 7. Quoniam Controuersia liberae mercaturae omnes Ciuitates tangit, & illa diuersis Laudis publicis ad declarationem Regiam remissa, ita in eo acquiescendum est.

De cereuisiae venditione, quum Nobiles ratione iuris acquisiti nihil docuerunt, secundum obseruantiam coeterarum Ciuitatum Ordinatio Politica obseruanda erit.

Quod attinet ad Jurisdictionem in subditos in Domibus Nobilitatis & eius Cauponis, quia a R. Commissionem super hoc puncto haec declaratio facta: De iurisdictione in subditos Nobilium &c. &c. ideo & porro eidem conformiter procedetur. Si quis autem Kmethonum aduenientium in Ciuitate delinqueret, & poena Capitalis infligenda, iurisdictione Capitaneo tunc competit, in leuioribus autem delictis Magistratus est iudex, vtpote vbi quis delinquit, ibi quoque multandus est.

Ratione propoliorum, cum haec contra Lauda publica sint, Princeps Illustrissimus Praefecturis suis iniunget, vt omittantur, & depraehenso merces auferantur, sed sibi promittit quoque, quod Nobilitas idem quoque factura sit, quod Laudum publicum exigit. Actum die 10. Junii, Anno 1644.

(L. S.) Bartholt Meyer dictus Rautenfels,
(D.) Protonotarius, mpp.

No. XII.

Ad ea, quae Nobilitas Parochiae Bausensis contra Ordinationem Politicam eius Ciuitatis intulit, deciditur; Quia Ciuitas ad rem Judicatum, quam post factum Laudum publicum anni 1642. ex controuersia partium consequuta, & quae in proxime subsequuto Laudo publico anni 1645. in suo vigore relicta est, ad confirmationes quoque Regias prouocat, super quibus diiudicare huius non est loci, ideo adhuc semel haec res ad futurum Regem remittitur, & differtur. Actum Mitauiae die 25. Sept. Anno 1648.

Distriktus protestabatur de hoc & anterioribus Decretis, de talibus nihil sciret neque hoc ex actis sibi extradi exposcere vellet.

Ciuitas reprotestabatur.

(L. S.) Barthold Meyer dictus Rautenfels,
(D.) Protonotarius, mpp.

No. XIII.

I.

Ex porrecta Copia ad officium & Acta praesentia Castrensis Capitaneatus Cracouiensis personaliter venientes spectabiles Ludolfus Kedeln, Consularis Mitauensis, & Joannes Hirschfeldt Notarius Bauscensis, in Semigallia Ciuitatum eorundem vt & Curonensium Ciuitatum pro tempore Mandatarii cum Ministeriali Generali proponentes: Quod cum Nobiles Parochiae Bauscensis eius & Ciuitatis Politiam in illis potissimum punctis, quae negotiationem Jurisdictionemque Ciuicam concernerent, impugnantes diuersis vicibus tam coram Illustrissima sua Celsitudine Curlandiae & Semigalliae Duce Jacobo, tum absente eo, coram Dominis Ducalibus Consiliariis eo nomine egissent, tandem Ducales Consilarii pro causae istius qualitate, ne forte arrepto ab alterutra partium Appellationis remedio diuturnus inde ac sumptuosus nasceretur processus, eandem ad futuri Regis declarationem remiserint; Quam quidem Remissi sententiam Parochiales tum reprobantes, contra eam reliquasque omnes in illa Causa dictas sententias protestati essent; Nihilominus tamen Ciuitatem Bauscensem istius Remissi prout par esset, obseruantem ad Vigilantiae suae contestationem Ciuitatum Mandatariis hanc simul Causam commisisse, vt eandem Sacrae Maiestati Regi ac Domino Nostro Clementissimo subiectissime exposituri Regiam de super declarationem & decisionem impetrarent. Quod & hisce felicissimae Coronationis Comitibus factum esset. Quippe Sacra Regia Maiestas omnem Controuersiae illius statum sufficienter edocta, Politiam Bauscensem a Serenissimo suo Praedecessore Rege Vladislao Quarto gloriosissimae Memoriae iam ante confirmatam denuo plenissime confirmandam eamque ipsam confirmationem grauisimo insuper Regii responsi autoritate clementissime muniendam censuisset. Verum dum haec gererentur, aduenisse etiam Generosum Philippum Schoepping Parochialem Bauscensem eiusdemque Parochiae in tota hac causa Plenipotentem, quem cum Generoso Georgio Vischer Capitaneo Vindauensi in Curiae Regiae Camera quadam Regio Senatorio contigua colloquentem, praesens Johannes Hirschfeld Notarius Bauscensis conspectus & comiter allocutus, vniuersa eidem documenta Causam hanc concernentia, ne qua impediretur Remissi actio, communicare promississet, eo ipso satis innuendo, quam gratus sibi fuerit ipsius aduentus, sic enim fore, vt Principalium suorum Negotia tanto felicius securiusque expediri possint; vbi etiam edictus Schoeppingius cum amabilis Compositio, quam expetere visus fuisset, a Notario Bauscensi plane negaretur, paratum se Regiamque declarationem expectaturam dixisset. Ex illo autem tempore Schoeppingium nihil prorsus vel per se vel per aliquem subordinatum in hac Causa molitum, sed tantum in sextum vsque diem hic commoratum, vt plurimum in diuersorio, ac si Valetudinarius esset, desedisse, & tandem Mandatariis cum Causa desertis hinc abiisse. Ne igitur Mandatariis aut suis Mandati Principalibus forte obiici possit, se clam & in tergum partis vel ad male narrata Regiam illam Confirmationem impetrasse, cum nihil hic occulte aut sub & obreptitiae sed aperte omnia egerint; Aduersario interim Lucem fugiente, causamque omnino, vt iam dictum, deferente, sed vt potius quocunque saepe nominatus Schoeppingius, aut ipsius adhaerentes iam aut futuris temporibus, vbi contra Politiam Bauscensem eiusque rite impetratas Regias confirmationes machinaturi essent, ea omnia suo ipsorum nul-

litatis

litatis vitio prorsus corruant; Proinde Ciuitatum Memoratarum Mandatarii de illo ipsis, vt de omnibus inde emerfis & emergendis damnis & expensis contra dictum Philippum Schoeppingium eiusque Interessentes in optima & plenissima, quae fieri debet, aut potest Juris forma protestati, legitimam hanc suam Protestationem Actis praesentibus officii huius Castrensis inscribi sibi que authenticum eius documentum extradi, officiosissime petierunt, & quod obtinuerunt.

Actum in Castro Cracouiensi feria quarta Cinerum, Anno Domini Millesimo Sexcentesimo Quadragesimo Nono.

Hieronimus Smirtantza,

Jur. Capit. C. Cracou. inpp.

(L. S.)

Correxit Bleffynski, mpp.

2.

Actum in Curia Regia Varfauienfi Feria secunda die Festi Sancti Valentini Martyris, Anno Domini Millesimo sexcentesimo Quinquagesimo.

Ad officium & Acta praesentia Castrensia Capitan. Varfauienfis personaliter veniens Generosus Joannes Hartongi Sac. Reginalis Maieftatis Cubicularius, Spectabilium vero Rudolffi Kedeln Consularis Mitauienfis, & Joannis Hirschfeld Notarii Bauscensis in Semigallia Ciuitatum eorundem vt & Curonen. Ciuitatum pro tempore Mandatariorum cum ministeriali Generali proponentium Plenipotens & sufficiens Mandatarius, nomine eorundem Principalium suorum inhaerendo protestationi per eosdem Principales suos coram Actis quibusuis authenticis Regni factae & recognitae & praecipue protestationi in Castro Cracouiensi sub Actu feriae quartae Cinerum in anno Millesimo sexcentesimo quadragesimo Nono factae solenniter coram eodem officio proposuit. Quod cum Nobiles &c. &c. *Vti in anteriori protestatione.*

Joannes Grzybowski,

Capitan. Varfauiens.

(L. S.)

No. XIV.

Illustrissima Sua Celsitudo FRIDERICVS Dux Curlandiae & Semigalliae id, quod sibi ab vniuersis Ciuitatibus Semigalliae & Curlandiae in diuersis punctis contra Gen. Equ. Ordinem inscriptis, expositum est, Gratiöse percepit, & Gen. Equestris Ordinis Deputatis, vt ad ea responderent, tradidit. Quoniam autem propter subito superueniens bellum omnes fere deliberationes ad aliud pacificum tempus dilatae sunt, ita & nunc hac in re nihil finaliter decidi potuit; Quapropter Celsissima Illustritas Sua omnes eiusmodi res ad id tempus, quo commodè tractari possunt, differt, interim vero & vsque omnia expediantur, vniuersas Ciuitates Exercitio Jurisdictionis, libera mercatura, & possessione omnium eorum, quae hucusque habuerunt, & quibus vsae sunt, porro pacifice frui permittit. In fidem sub appposito Sigillo Ducali, Datum Mitauiae die 12. Augusti, Anno 1621.

(L. S.)

No.



No. XV.

VLADISLAUS IV. Dei Gratia Rex Poloniae &c.

Illustrissime Princeps Grate Nobis dilecte! compertum Nobis est Ciuitatibus Ducatus Curlandiae propter multifarias mercaturas a nonnullis ex Nobilitate Curlandica exercitas non leuia praeiudicia, & damna adnasci posse, atque enatura esse, ita vt non solum magnum detrimentum facultatum suarum priuatarum, sed etiam vniuersale exitium & Interitus Ciuitatum propter inde subsequenter inopiam Ciuium sit metuenda, necessarium itaque ac vtile duximus, ipsis Nostrum Patrocinium & Praesidium promittere, quo Ciuitatibus auxilium feratur, & illae a totali interitu & egestate liberentur. Requiritur itaque Illustritatem Vestram, vt tam in Nostro quam suo nomine rem cum Gen. Equ. Ordine pertractet, vt ille tam multis & magnis oppressiōibus & praeiudiciis Ciuitatum, ac multiplici mercatura vtpote quae res statui suo nobilitari non parum dedecori est, & derogat, desistat, ac abstineat, & in hac re antiquam consuetudinem & exempla maiorum suorum imitetur, & sequatur. Quod vti & Illustritati Vestrae damnum infert, ita rem Viris peritis, qui in eam inquirant, & illam certis Legibus circumscribant, committendam curabit. Non dubitamus, quin Illustritas Vestra; si Regia nostra autoritas rursus imploranda sit, rem sine mora ad Nos remittat, velit Illustritas hoc quantocius exequi, & Nos Eidem bonam & Longam a Deo Valetudinem apprecamur. Dabantur Grodnae die Mensis Nouembr. 1636.

No. XVI.

Nos Dei Gratia FRIDERICVS in Liuania Curlandiae & Semigalliae Dux.

Salutem Nostram gratiosam, spectabiles, prudentes fideliter nobis dilecti.

Quatenus Sacra Regia Maestas Rex Noster atque Dominus longe Clementissimus, controuersiam inter Gen. Equ. ordinem, & vos intercedentem ratione liberae Mercaturae pro amicabili Compositione ad Vestras humillimas Sollicitationes ad Nos remisit, id Vobis ignotum esse non potest. Quoniam vero in diuersis Mitauiae habitis Conuentibus res ad ordinarium Conuentum publicum, vt Deliberatoriis quoque inferatur, dilata fuit, & Nos illum in diem 14. Sept. Mitauiae indiximus, & pro Deliberatoriis inferendo hoc puncto curauimus; Ita in dicto loco & tempore per Mandatarios comparebitis, & hanc controuersiam ad debitum finem perducere satagetis, quod ad Vestram notitiam perferendum duximus. Datum Annenburgi, die 1. Nouembr. 1637.

(L. S.) Fridericus.
(D.)

No. XVII.

RESPONSVM

Ad humillima Petita Ciuitatum Vniuersique Ordinis ciuici Curlandiae & Semigalliae Ducatus, missis ab iisdem ad Comitata Coronationis Mandatariis Spectabilibus Ludolpho Kedeln, Consulari Mitau. & Joanni Hirschfeld, Notario Bauscensi, Ciuitatum datum.

Quod Ciuitates, & Ordo Ciuicus Curlandiae & Semigalliae Ducatus Sacrae Regiae Maieitati de felici Inaugurationis Successu Diuinam in hoc Regali Throno & longaeui prosperrimique Regiminis Orbi Christiano salutaris benedictionem subiectissimi vouentes, humillime congratulari voluerint, id S. R. Mtas. ceu rem Supremo & directo in eos dominio condignam & ex subiectissima fide & animi constantia promanatam clementissime accipit, & benignissime interpretatur. Imo vt praememoratis Ciuitatibus Ordinique Ciuico gratia & Clementia Regia, qua eosdem quoad usque in fide & constantia illibata erga S. R. Mtem. & suum Principem perseuerauerint, complecti studebit, luculentius constet, Authoritate sua Regia humillimis eorum Supplicationibus & Petitis S. R. Mti. expositis hac benignissima sua declaratione subuenire dignata est.

Et primum quod attinet punctum S. R. Mtas. & ipsamet & Serenissimi Praedecessores sui, Parens & Frater desideratissimi Poloniae Reges a Magnificis Senatoribus & Exercituum Ducibus Ciuitatum illarum vniuersim omnium & singularum praecipue Bauscen. & Mitauens. illibatam fidem ac in Bellonae furoribus per quadraginta annos non attentis vitae periculis, & fortunarum suarum saepe iteratis deuastationibus fortem ac strenuam constantiam diligentissime commendatam habentes, Easdem quarum quidem nonnullae ante primaeuam Subiectionem & Regno Magnoque Ducatui Lithuaniae incorporationem, reliquae vero ex illo tempore pro emolumento Ducatus & Regni fundatae sunt, quum vna cum Equestri Ciuicus se subiecerit Ordo, vigore Regii huius Responsi non solum circa specialia sua Priuilegia a Diuis Praecedaneis Regibus & moderna S. R. Mte. confirmata, sed etiam circa omnia illa Jura, Libertates ac Immunitates, quae ipsis e Pactis primaevae Subiectionis inscutis Regiis commissionibus reasumto subiectionis Instrumento, aliisque Vniuersalibus Concessionibus ad instar Ciuitatum & oppidorum Ducatus Prussiae legitimecompetunt, & adnascuntur, a quorum autem plenario viridique exercitio partim turbatus Patriae Status, eumque excipientes hosticae Inuasiones Ciuicum Ordinem aliquantum praepediuerunt, partim desuetudo non nihil deflexit, in integrum restitutas pacifice ac quiete conseruandas esse clementissime declarat.

Cum semper Propolia Prouinciis & Ciuitatibus noxia & damnosa S. R. Mtas. bene sciat, atque adeo imprimis Nobilitari statu indigna, eadem vero a quibusdam de Nobilitate eius Ducatus contra specialia Ciuitatum Priuilegia, toties confirmata, contra tot Recessuum Prouincialium placita, contra omnem denique aequitatem in fundis suis cauponisque viis Regiis adiacentibus, quo minus merces ad Ciuitates destinatumque forum pro communi Ciuibus debito mercantiarum vsu deuehi queant, haecenus sint exercita. Proinde illa vigore praesentis Regii Responsi & Priuilegiorum

Ciuitatenſium omnimode ſint interdicta, ſalua Regio Inſtigatori contra praeuaricantes manente actione.

Cum Ciuitates & Ordo Ciuiicus, publicis oneribus & ſancitis Legibus & Statutis ſubiacere debeant, Juſtum etiam eſt, vt quoque cum ipſorum ſcitu & conſenſu Leges ac Statuta condantur. Quin & S. R. Mtis. hiſce clementiſſime declarat, ſe corpus iſtud Statutorum omiſſis Ciuitatibus & ordine ciuico iſthic concinnatum, ante non confirmaturam eſſe, quam & memoratae Ciuitates Ordoque Ciuiicus per ſuos Deputatos ad ipſorum relectionem & reuiſionem perſonaliter admiſſi in eodem conſenſerint.

Vltimo ſi qui Ruſticorum tempore Annonae caritatis alioque afflicto rerum ſtatu a Dominis ſuis dereliſti in Ciuitates confugerint, ibique recepti vitae tolerandae Subſidia adipiſcantur aequiſſimum eſt, vt illi ipſi apud Ciues tenore Pactorum & Ducatus ſtatutorum permaneant.

Haec eſt ad humillima petita Ciuitatum & Ordinis Ciuiici Ducatus Curlandiae & Semigalliae S. R. Mtis. ex ſingulari erga eodem gratia, declaratio, cui vt iuſtis ſuis fundamentis nixae, ne a quoquo vlllo modo contraveniatur, benigne monens Sacra Regia Maieſtas, Ciuitatibusque Ordini Ciuiico & modernis eorum Mandatariis gratiam ſuam Regiam benigniſſime offerens, eaſdem Ciuitates ordinemque Ciuicum contra ſuorum Iurium acquiſitorum Turbatores, vt & omnes violentias & petulantes inſultus Regio Patrocinio aſſerere clementiſſime dignabitur. Datum Cracouiae in Comitiis felicitis coronation. die XII. Febr. Anno Domini MDCXLIX.

Joannes Caſimirus Rex.

(L. S.)
R.

(L. S.)
M. D. L.

Matthias Cielecky,
S. R. Mtis. Secretarius.

No. XVIII.

JOANNES CASIMIRVS Dei Gratia Rex Poloniae &c. &c.

Illuſtriſſime Princeps ſincere Nobis dilecte, Illibatam Ciuitatum Curoniae & Semgallicarum fidem, quam Diuis Noſtris Praecedaneis Regibus tenore debitae ſubiectionis in diuturnis belli motibus aliisque difficultatibus indefeſſe praefiterunt, & nobismet ipſis praefare, paratae ſunt, a Conſiliariis noſtris quam optime commendatam habentes, eaſdem dum ad Thronum Noſtrum confugientes, Regii Noſtri Patrocinii opem, humillime implorare voluerunt, non ſolum ſpeciali Priuilegiorum ſuorum confirmatione, ſed etiam Regia ſuper ſubiectioniſſimis ipſarum petitis per Noſtrum Reſponſum declaratione, pro authoritate Noſtra Regia pleniffimaque Supremi Domini potestate, dignati ſumus. Quae cum iuſtis ſuis fundamentis nixa ipſisque primaeuis ſubiectionis pactis ſit conformis, proinde ab Illuſtritate Veſtra benigne requirimus, vt illius tenore praefatas Ciuitates in Ducatus, Regnique Noſtri emolumentum fundatis, circa omnia illa Iura, libertates, ac Immunitates, quae ipſis ad inſtar Ciuitatum & oppidorum Ducatus Pruſſiae ſubiectionis primaeuae beneficio, legitime competunt, vindicare velit, iisque impoſterum realiter perfrui ſinat, faciet eo ipſo Illuſtritas Veſtra

stra rem aequitate, Maiorumque suorum institutis condignam, imprimis vero Regiae Nostrae voluntati congruam, quam de cetero beneualere cupimus. Datum Cracouiae in Comitibus felicis Coronationis Nostrae die XII. Mens. Februarii Anno Domini MDCXLIX. Regnorum Nostrorum Poloniae & Sueciae Anno Primo.

Ioannes Casimirus Rex.

*Illustrissimo Principi Domino
Iacobo Curlandiae & Semi-
galliae, in Liuania Duci
sincere Nobis dilecto.*

(L. S.)
(R.)

(L. S.)
(D. L.)

No. XIX.

JOANNES CASIMIRVS Rex Poloniae, Magnus &c. &c.

Magnifici ac Generosi Sinc. ac fideliter dilecti, Illibatam Ciuitatum Curonensium ac Semigallicarum fidem, quam Diuis Nostris Praecedaneis Regibus tenore subiectionis debitae in diuturnis belli motibus, aliisque difficultatibus indefesse praestiterunt, & Nobismet ipsis semper praestare paratae sunt, a Consiliariis Regni Nostri quam optime commendatam habentes, easdem autem ad Thronum Nostrum confugientes Regii Nostri Patrocinii opem subiectissime implorare voluerunt, non solum speciali Priuilegiorum suorum confirmatione, sed etiam Regia super humillimis ipsarum petitis per Nostrum Responsum declaratione, pro auctoritate Nostra Regia, plenissimaque Supremi Dominii potestate dignati sumus. Quae cum iustis suis fundamentis nixa ipsisque primaeuae subiectionis pactis sit conformis; Proinde a Sinc. ac fidelitatibus Vestris benigne requirimus, vt praefatis Ciuitatibus in Regii Nostri Patrocinii finum tenore eiusdem Responsi Nostri benignissime susceptis, tanquam genuinis Ducatus Curlandiae & Semigalliae membris, Vestrisque Coindigenis eadem iuramenti religione Nobis Regnoque Nostro adstrictis, ad efficacem fructuosamque suorum Priuilegiorum omniumque Iurium e pactis primaeuae subiectionis ad instar Ciuitatum & oppidorum Ducatus Prussiae in ipsas legitime redundantium perfruitionem praesto esse velint, minime dubitantes, sinc. & fidelitates Vestras sese erga Ciuicum Ordinem (quo magis magisque accrescente sua quoque Respublica feliciter sumet incrementa) ita se praestituras esse, vt suarum sincer. ac fidelitatum erga Nos debiti obsequii specimen abunde constare possit. Quibus vicissim gratiam beneuolentiamque Nostram Regiam hisce benignissime delatam volumus. Datum Cracouiae in Comitibus felicis Coronationis Nostrae die XII. Mens. Febr. Anno MDCXLIX. Regnorum Nostrorum Polon. & Suec. Anno Primo.

Ioannes Casimirus Rex.

(L. S.) (L. S.)

Ad Nobilitatem Curlandiae vt Ciuitates circa iura earum conferuent.

No.

No. XX.

Ad Responsum Regium a DD. Mandatariis Ciuitatum Curlandiae & Semigalliae Gen. D. D. Deputatis Gen. Equ. Ordinis traditum respondetur hisce, quia Conuentus publicus pro hac vice successu caruit, sed in aliud tempus dilatus, Resolutionem quoque in id tempus differri. Signatum Mitauiae die 5. Iunii 1654.

Heinricus de Plettenberg,

pro tempore Deputatorum Mareschallus.

No. XXI.

Celsissime Princeps, Domine Gratosissime.

Postquam Grauamina a Gen. Equ. Ordine antea prolata ad nostras manus venerunt, ex quibus perspeximus, quod quaedam contra Ciuitates quoque & statum Ciuicum adducta sint, ideo pro sua iustissima defensione sequentia inferre necessarium ipsae duxerunt. Antequam autem quicquam pro infringendis Grauaminibus status Nobilitaris inferant; provocant adhuc semel ad Ius suum acquisitum & radicatum, & ad ea iura, quibus tanquam Homines Germanici liberi non solum a prima fundatione priuilegiati, sed etiam tam Decisis Commissorialibus quam Ducalibus ac Regiis declarationibus & confirmationibus prouisi, praesertim vero per nuperrimum obtentum Responsum Regium de die 12. Febr. anno 1649. in omnibus punctis & clausulis redintegrati sunt, quandoquidem in eo sequentia continentur: Quum vna cum Equestri Ciuicus se subiecerit ordo &c. &c. sollemnissime protestantur, se, quoniam proposita Grauamina partim nihil noui in se continent, sed antiqua tantum repetunt, quae vero olim iam sunt refutata, & discussa, ab his omnibus per hanc faciendam responsionem non latum quidem vnguem discessuras, sed potius anterioribus suis Protestationibus iam reiterandis firmissime inhaerere.

Extractum punctorum huc pertinentium.

Ad 15. punctum itaque, quod attinet, vniuersae Ciuitates eum inpertinentem reputant, dum ad illud, si per id isti, qui extra Ducatus sunt, indigitantur, respondere non necesse habeant, quod si autem sibi per indirectum hoc aliquid imputari velit, iure suo acquisito nituntur, & sibi in certo casu vi statutorum §. 62. & nouissimi Regii Responsi, praescriptionem Kmetonum in Ciuitatibus reseruant.

Quod in puncto 36 pro re Cauponaria & libera emtione & venditione in Nundinis, & foris hebdomadalibus Ciuitatum exercenda iterum recapitulatur, mirandum sane, quod tam cito, quae in his quoque inter alia anno 1644. die 10. Iunii sententionata sunt, obliuioni Gen. Equ. Ordo dederit. Quae omnia tamen, vt infra ad punctum 38. fusius allegabitur, in vim rei iudicatae transierunt, & desuper Regiae Confirmationes subsequutae sunt. Quapropter Ciuitates ne digitum quidem ab his discedere possunt. Alias notorium est, quod in Nundinis Peregrinis seu non incolis cum peregrinis seu non incolis negotiari liceat, in quo iure quoque impe-

impeditur, quod vero ad fora hebdomadalia attinet, quia illa in vtilitatem Ciuium pro quaestu proprio & quotidiana vitae sustentatione procurandis instituta sunt, summa foret iniquitas, si in his peregrinis seu non incolis permitteretur, panem illum & quaestum, quem hisce onerosis temporibus graui sudore ciues quaerere debent, ipsorum oribus praeripere. Quod quoque Sacra Sua Maiestas bene perpendit, & ea propter, ne propoliis civitatibus commeatus, nedum quae iam ad fora sunt aduecta, subducerentur, suo Regio Responso obuiam ire, & isti malo mederi clementissime voluit, dum illud ita sonat: Cum semper propolia Prouinciis & Ciuitatibus noxia & damnosa &c. &c. Ita Ciuitates contra eos, qui his contraveniunt, protestando sibi per expressum actionem reseruant.

Quod ad mensuram & pondus spectat, Goldinga & Bausca inferunt, quod genuinis signatis pondere, vlna, modis & Medimnis vtantur, ita vt cum Litthuanis ad modios, in quos quatuor Medimni numerantur, cum Kmethonibus autem ad Medimnos, quarum 6. pro vno modio quidem numerantur, sed ipsis dimidio plus pecuniae quoque soluitur, contrahunt. Hinc ipsis defraudatio hac in re imputari iure non potest.

Punctum 38 Ciuitates vniuersae pluribus refutare necesse non habent, quoniam anteriora tantum repetita, cum tamen post Laudum publicum anni 1662. ex controuersia Partium praesertim Nobilium Parochiae Bauscensis & ciuitates res decisa, & in subsequente Laudo publico anni 1645. in his decisis acquietum, imo ad factum die 25. Septembr. anno 1648. remissum ad futurum Regem, a Sacra Regia Maiestate Cracouiae in felicis coronationis Comitibus Anno 1649. die 12. Febr. cum & Delegati Gen. Equ. Ordinis adfuerunt, & aliquid obicere non valuerunt, vniuersarum Ciuitatum Politiae in omnibus punctis, & clausulis non solum reasumtae, sed etiam clementissime confirmatae sunt, & sic ius radicatum & acquisitum habent, quare submississime petunt, vt circa ea libere conferrentur.

Ad punctum 40 respondetur, quod Status Ciuicus tales leges sumtuarias, quae liberos homines Germanicos decent, assumere non sint detrectaturae, vt hae leges tamen vicinis Ciuitatibus Prussiae & Liuoniae conformes sint, dum non deterioris conditionis sunt, & nunquam bonis se institutis subduxerunt, minimaque luxuria penes se deprehenditur.

Punctum 46 Ciuitatum votis responderet, & ab ipsis sollicitatur, vt Propolia & Kmethonum Braxationes pro venditione, ac mercimoniorum exercitium secundum Lauda publica vetantur, imo opificibus, qui ruri habitant (in Ciuitatibus enim certis Legibus sunt circumscripti) vltra artem suam opificariam sibi quid arrogare & vsurpare non permittatur, coeteroquin ad suas a Principe Domino suo datas, & iterum confirmatas ordinationes neque minus ad Regium Responsum de die 12. Febr. 1649. in quo expresse continetur, quod contra praeuaricantes Regio Instigatori actio reseruaretur, prouocant.

Punctum 50 ita refellitur, quod Ciuitates arbitrentur extraneis actoribus licet singulis hebdomadibus ordinaria iudicia celebrentur, nihilo tamen secius si in tempore instant, terminos extraordinarios concedi. Quare a Gen. Equ. Ordine haec querela indebite instituitur, cum potius Ciuitates hac de re queri necesse habeant, & optandum sit, vt sibi a Nobilitate aequali modo iustitia administretur & in securo aditus ad omnes esse posset, dum quidam (inter quos tamen discretiores non sunt computandi) non nun-



quam decies pene interpellandi sunt, antequam terminus impetrari potest, & si tandem comparent, non solum verbalibus iniuriis, sed interdum realibus quoque afficiuntur.

Ad coetera Ciuitates de violentiis nonnullorum Nobilium contra se exercitis conqueruntur, cum non solum fenestrarum elisione, bombardarum periculosa explosione, in domus irruptione Ciues turbant, sed etiam ciues peracto cultu diuino in areis templorum & in viis publicis verberibus excipere & alias iniurias & inexcusabiles violentias in eos exercere non sunt veriti. Quapropter Ciuitates sollemnissime protestando sibi prospiciunt, & tam erga Deum quam magistratus excusatae esse volunt, si contra tales insultus, & violentias tam iure naturae quam ciuili permissa defensione uti cogerentur, annexo submississimo petito, si quando in hoc Conuentu publico hac in re nihil concluderetur, ut huic malo paterne prospiciatur, & pro seruanda pace publica & securitate eiusmodi violentiae sub grauissima poena interdican- tur. Denique supplicant humillime, ut Illustrissima Celsitudo sua defensionem Ciuitatum non solum pro gratia sua expendere, & iustis suis Grauaminibus medelam afferre, ut illae in omnibus punctis & clausulis circa sibi competentia iura conseruentur, dignetur, sed etiam quoniam quaedam puncta iam olim decisa non attento Responso regio de nouo repetuntur & Ciuicus Status ita despiciatui habetur, copiam authenticam & Grauaminum a Gen. Equ. Ordine formatorum & huius ad ea responsionis ex Cancellaria extradi permittat, quo status Ciuicus impo- sterum coram futura Sacra Regia Maestate demonstrare queat, quod non solum nulla ratio & consideratio Regii Responsi habeatur, sed Ciuitates quoque ita posthabeantur, & vilipendantur. Quam gratiam demereri humillime studebunt, Illustrissimae Celsitudinis suae.

Datum 1668. die 3. Maii
Mitauiae.

*Submississimae & subiectissimae Ciuitates
Curlandiae & Semigalliae.*

Ao. 1668. hanc praemissam Responsionem Vniuersarum Ciuitatum Ducatum Curlandiae & Semigalliae ad Grauamina a Gen. Equ. Ordine porrecta contra Ciuitates in Conuentu publico Deputatis traditam & exhibitam hunc Conuentum publicum quoque postea die 14. Martii Anno 1669. conclusum esse, apposito Sigillo Ducali & manus meae propriae subscriptione attestor.

(L. S.)
(D.)

Guilielmus Heinrichs,
Secretarius, mpr.

No. XXII.

JOANNES Tertius Dei Gratia Rex Poloniae &c. &c.

Significamus praesentibus Litteris Nostreis quorum interest, vniuersis singulis, productas coram Nobis esse Litteras papireas infra scriptas ex vero suo Originali Priuilegio transumptas, & ex fide Notarii publici iurati manu subscriptas, & Sigillo ipsius proprio communitas, sanas, saluas, illaesas, omnique prorsus suspitionis & vitii nota carentes: Confirmationem Serenissimi Michaelis, olim Antecessoris binarum Litterarum infra scriptarum, Ordini Ciuico Curlandiae & Semigalliae Seruientium, in se continentes.

nentes; Supplicatumque Nobis esse, Nomine, & pro parte eiusdem Ordinis Ciuicis Curlandiae, & Semigalliae, quatenus easdem Litteras Nos quoque Authoritate Nostra Regia approbare, confirmare & ratificare dignaremur: Quarum Litterarum tenor de verbo ad verbum sequitur, estque eiusmodi. MICHAEL Dei Gratia Rex Poloniae, Magnus Dux Lithuaniae, Rusiae, Prusiae, Masouiae, Samogitiae, Kiouiae, Volhiniae, Liuoniae, Smolensciae, Seueriae, Czernichouiaeque. Significamus praesentibus Litteris Nostris, quorum interest vniuersis & singulis. Exhibuisse coram Nobis spectabilem Martinum Gamper Plenipotentem Ciuitatum Curlandiae & Semigalliae, Litteras binas papireas authenticas, primas quidem subscriptione manus Nobilis Guilhelmi Volcker Iudicii Goldingensis iurati Secretarii, & Sigillo eiusdem Iudicii munitas. Responsum infra insertum a-Serenissimo Antecessore Nostro IOANNE CASIMIRO Ordini Ciuico Curlandiae & Semigalliae in Comitibus Coronationis datum. Alteras manu Notarii publici Nobilis Godofredi Fabricii subscriptas, sub Sigillo eiusdem Iudicii Ducalis, extractum certum ex Rescripto eiusdem Serenissimi Antecessoris Nostri in se continentes. Vtrasque sanas, saluas, omnique suspicione carentes. Supplicatumque Nobis humillime, vt easdem Authoritate Nostra Regia approbare & confirmare dignaremur. Quarum Litterarum, & quidem responsi Tenor hic sequitur. Responsum &c. &c.

Secundarum vero Litterarum haec est series. Extractum ex rescripto Regio, Regis Poloniae IOANNIS CASIMIRI Datum Varsauiae die XIII. Mensis Ianuarii Anno Domini MDCL. Regnorum Nostrorum Poloniae & Sueciae, anno secundo. Caeterum mirabamur Ducatum Illustrem bene constitutis Ciuitatibus & Oppidis, per tot aetatis seriem minus vti alibi, adaugeri, donec Nobis in felici Coronationis Nostrae Comitibus pateret, Ciuitates, & ordinem ciuicum a nonnullis ex Nobilitate, Priuilegia sua, praecipue vero Mercaturas suas, extra genuinae Nobilitatis Dignitatem extendentibus, non leuiter premi, adeo, vt hinc eius nomine decisio nostra, quae iam in rem iudicatam transiit, Parte altera deferente causam, subsequuta sit. Etenim Reipublicae interest, vt Prouinciae & Ducatus in latum Ciuitatum bene constituendarum succrescant florem. Proinde benigne a sinceritate & fidelitate V. V. requirimus, in eo studium etiam suum defigant, quo vtriusque, tam Principis desiderii iusta debeatur ratio, & ciuicus ordo sui quoque desiderii fruatur solamine. Concordat cum vero suo Originali. Actum Mitaviae, die decima tertia Maii, Anno Domini Millesimo Sexcentesimo quinquagesimo quinto. Locus Sigilli Ducalis. Godofredus Fabricius Secretarius. Nos itaque MICHAEL Rex, praedictae supplicationi benigne annuentes supra insertas vtrasque Litteras, in omnibus punctis, clausulis, articulis, & conditionibus approbandas confirmandas & ratificandas esse duximus, vt quidem de plenitudine Potestatis Nostrae Regiae approbamus, confirmamus, & ratificamus, praesentibus Litteris Nostris, decernentes eas vim & robur debitae, ac perpetuae firmitatis, quantum de iure, semper obtinere debere. In quorum fidem praesentes manu Nostra subscriptas, Sigillo Regni & Magni Ducatus Lithuaniae muniri iussimus. Datum Cracouiae in Conuentu felici coronationis Nostrae, die IX. Mensis Nouembr. Anno Domini MDCLXIX. Regni Nostri Poloniae Primo anno. Michael Rex. Locus Sigilli Regni Poloniae Maioris. Locus Sigilli Magni Ducatus Lithuaniae. Concordat cum suo vero Originali. Libauiae Anno 1670. die 27. Iulii. Valerianus Stanislaus

nislatus Giendmdn. Magn. Duc. Lith. Notarius &c. Christianus Volden-
fcher, S. Reg. Mtis. Polon. Notar. publ. iurat. manu mea. Locus Sigilli
Ipsius ex fide impressi. Nos itaque IOANNES Rex supplicationi prae-
fatae, vti iustae, & aequitati consonae benigne annuentes praeinfertas Lit-
teras, vti nullo vitio obnoxias, in omnibus de tenore supra descriptis pun-
ctis, clausulis, articulis, & nexibus approbandas, confirmandas & ratifican-
das esse duximus. Vti quidem de Plenitudine Potestatis Nostrae Regiae
(in quantum Iuri communi non repugnant, & vsus earum habetur) ap-
probamus, confirmamus, & ratificamus praesentibus Litteris Nostris; De-
cernentes, & declarantes easdem vim & robur debitae, & perpetuae firmi-
tatis obtinere debere. In cuius rei fidem praesentes Manu Nostra subscri-
ptas, Sigillo Regni, & Magni Ducatus Lithuan. communiri iussimus. Da-
tum Varfauiae in Comitibus Regni generalibus, die XII. Mensis Aprilis, An-
no Domini 1677. Regni Nostri Poloniae Tertio Anno.

Joannes Rex.

Confirmatio Confirmationis

Ciuitatis Libau seruiendi.

(Loc. Sig.)
(appensi)
(Regni Pol.)

Matthias Martianus Ladowski,
Reg. Mtis. Secretarius. mpp.

(L. S. app.)
(M. Duc.)
(Lithuan.)

No. XXIII.

*Praemissa huius Protestationis charactere graeco tunc in Iudiciis Lithuanicis vsitato
concepta & legi non possunt, hinc hic omitta.*

Inter Nobilitatem & Ciuitates Ducatus Curlandiae & Semgalliae ante
multos annos, quorundam grauaminum causa, imprimis autem, ra-
tione Mercaturae, cum Peregrinis exercendae, controuersiam exortam,
eamque postquam Nobilitas Priuilegiis & Iuribus suis; Ciuitates quoque
itidem Priuilegiis suis, Indultis, & Rescriptis Regiis inhaerent, Anno
Millesimo Sexcentesimo trigesimo sexto die nona Augusti in publico Con-
uentu Prouinciali tenore Recessus Prouincialis ad Declarationem Regiam
remissam esse. Postea quoque Sm. Rm. Mtem. D. Vladislaum Quartum
laudatissimae memoriae, Rescriptum tale dedisse; vt Differentia haec per
amicabilem viam componeretur; nihilominus tamen Nobilitatem persua-
deri ad id non potuisse; quapropter Illustrissimum & Celsissimum Curlan-
diae Ducem Fridericum pientissimae memoriae, negotium illud per Re-
sponsum quoddam Ducale, Anno millesimo sexcentesimo trigesimo octauo;
vti & praefatam Nobilitatem, in alio Conuentu Prouinciali die vigesima
Iulii anno millesimo sexcentesimo trigesimo octauo, per Laudum publicum
ad decisionem Regiam remisisse. Post fata etiam Illustris & Celsissimi
quondam Ducis Friderici, succedente in Regimen Illustrissimo & Celsissi-
mo Curlandiae & Semgalliae Duce Iacobo, Dominos Commissarios Re-
gios,



gios, in Ducatum Curlandiae & Semigalliae, certorum negotiorum obeundorum causa missos, in Declaratione suae Decisionis super grauaminibus a Nobilitate propositis, in resolutione praedicti Ducis Iacobi (qua Priuilegium illud, a defuncto Duce Friderico Antecessore suo Ciuitatibus extraditum, & Ordinationem Mercaturae in se continens, si quid in eo compertum fuerit, quod Iuribus Nobilitatibus repugnet, circa Reuisionem statutorum se aboliturum pollicebatur (Anno Millesimo Sexcentesimo quadragésimo secundo, die secunda Decembris, acquieuisse; ita tamen, ut Illustrissima Celsitudo Sm. Rm. Mtem. de hac Reuisione, & Priuilegii Examine mature certiore reddat, ut, si ita visum fuerit, Sa. Ra. Mtas. suum quoque commissarium assignare possit, qui ad Iura Sae. Regiae Mtatis. attendat, prouideatque, ne Iuribus Supremi directique Dominii Sae. Rae. Mtis. praeiudicetur. Porro Anno Millesimo Sexcentesimo quadragésimo octauo, die trigesima Iulii, controuersiae huic dirimendae terminum certum, nimirum diem primam Mensis Septembris, inter Nobilitatem & Ciuitates, Mitauensem Bauscensemque, per Laudum publicum praefixum esse, hoc cum reseruat, ut tota haec Lis, conciliatione non subsecuta, ex tunc, prout ex nunc ad Decisionem Regiam delata esse debeat. Praeterea causam hanc inter Nobilitatem Bauscensem & Ciues Bauscenses, qui rei iudicatae, post Laudum publicum ex Controuersia Partium obtentae, ut & Confirmationi Regiae, utpote Iudicio Curlandico non subiectae, inhaeserunt Anno Millesimo, sexcentesimo quadragésimo octauo, die vigesima quinta Septembris, iterata vice ad futurum Regem deuolutam esse. Quinimo eandem Disputationem Anno Millesimo sexcentesimo sexagesimo secundo die quinta Augusti, Decisioni Regiae, saluo tamen Iure & Possessione utriusque Partis, esse commissam. Attamen praefata Regia Commissione, nec non tot Laudis publicis Iuribusque Ciuitatum haud consideratis nec attentis, Nobilitatem saepius memoratam, in actu quodam abolitionis grauaminum suorum die decima tertia Iunii Anno Millesimo sexcentesimo octuagesimo quarto, uti quoque in Conuentu Prouinciali per Laudum publicum de dato Mitauiae die octaua Iulii eiusdem anni, in summum Sae. Rae. Mtis. tanquam supremi ac directi Domini praeiudicium & Ciuitatum damnum, iis nec auditis nec Iure uictis, in hoc conuenisse: Quod Nobilitas in maritimis aliisque Ducatus istius Ciuitatibus, uti quoque in foris Ciuicis, etiam extra tempus nundinarum liberam cum peregrinis mercandi facultatem habere debeat. Quandoquidem autem in arbitrio Nobilium positum non sit, eiusmodi placita & Constitutiones, praememoratae Commissioni Regiae nec non tot Laudis publicis aliisque Iuribus Ciuitatum superius allegatis contrarias, concedere, idcirco Conuentionem hanc Laudumque publicum Ciuitatibus istius Ducatus, tanquam Parti tertiae, nec auditae nec conuictae, ullum praeiudicium creare non posse, praesertim cum non tantum Priuilegium & Ordinatio Politica Ciuitatum Curlandicarum a Serenissimis olim Poloniae Regibus confirmata sint, sed & Responsum Regium, Cracouiae die duodecima Februarii Anno Millesimo, sexcentesimo quadragésimo nono datum, & a moderna Maiestate Regia anno millesimo sexcentesimo octuagesimo confirmatum, in se contineat: Quod cum Ciuitates & Ordo Ciuicus, publicis oneribus & sancitis Legibus statutisque subiacere debeant, iustum etiam sit, ut quoque cum ipsorum scitu & consensu Leges & statuta condantur. Igitur memoratas Ciuitates contra Conuentionem addu-

etiam praefatumque Laudum publicum, in quantum sibi praeiudicant omnia iura sua iuriumque beneficia, praesertim possessionis, per omnia salua & integra sibi referuando, quam sollemnissime, & in optima, qua fieri potest, iuris forma, iudicialiter, protestari, cum primis autem Domino, Instigatori Regni, ob spretum interesse Regium, saluam actionem huiusce referuare, rogareque ut Protestatio haec iuriumque Ciuitatensium Referuatio Actis Iudicii huius inferatur, sibi que desuper Attestatum Iudiciale extradatur.

Finis & subscriptio uti praemissa legi non possunt propter characterem Graecum.

(L. S.)

No. XXIV.

JOANNES CASIMIRVS Rex Poloniae, Magnus &c. &c.

Significamus praesentibus literis Nostreis, quorum interest, vniuersis & singulis, productas coram Nobis esse litteras vniuersales papyreas, Illustrissimae Curlandiae & Semigalliae Principis manu subscriptas, sigilloque Eius munitas, Nobilitati eiusdem Ducatus Curlandiae & Semigalliae datas, sanas saluas & illaesas, omnique suspicionis nota carentes, supplicatumque nobis est, ut eas autoritate Nostra Regia, quo maius robur vigoremque in absentia memorati Principis habeant, confirmare & ratificare dignaremur, quarum quidem litterarum tenor est, & sequitur talis:

Nos Dei Gratia JACOBVS in L. C. & S. Dux.

Notum facimus omnibus, Gen. Equ. Ordinis praesentes Deputatos pro Districtu Durben, Grobien & Vindau querentes proposuisse, quatenus in contrarium antiquarum Nobilitatis Consuetudinum & iurium Ciuitates Libauia & Vindauia peregrinos, si cum Nobilibus in nauibus vel extra naues, aut in ipsa Ciuitate aliquid negotiarentur, aut Nobiles aliquid ab his emerent, vel his venderent, multare, in tergum Nobilitatis auderent, & Nobis pro abolitione huius supplicasse. Si itaque preces veritate niterentur, nullatenus hoc Nos approbare possemus, idcirco vi huius Proconsules, Consules, & ciues Ciuitatum Nostrarum Libauiae & Vindauiae serio admonemus, & ipsis mandamus, ut Nobiles tanquam Nostros subditos in iuribus suis antiquis & consuetudinibus, in quantum hactenus in possessione fuerunt, a peregrinis in nauibus vel extra aut in ipsa Vrbe negotiari, emere vel vendere non molestant, neque illi peregrino, qui Nobis hac vel alia via consuetum telonium soluere obligatus est, vllam poenam imponere audeant, sed antiquum porro ut antea obseruari ducimus. In fidem sub appposito Nostro Ducali Sigillo & manus subscriptione consueta. Datum Mitauiae die 18. Martii Anno 1645.

Jacobus.

(L. S.)
(D.)

Cui



Cui supplicationi Nos tanquam iustae benigne annuentes praeinsertas literas in omnibus eorum punctis & clausulis, in quantum iuris & aequitatis est, confirmamus, approbamus & ratificamus, decernentes eadem vim ac robur debitae firmitatis obtinere debere. In cuius rei fidem praesentes manu Nostra subscriptas Sigillo Regni communiri iussimus. Data Varsaviae die quarta mensis Februarii anno Dni. MDCLIX-Regnorum Nostrorum, Poloniae & Sueciae XI. Anno.

Joannes Casimirus Rex.

(L. S.)

Confirmatio Privilegii Nobilitatis Ducatus Curlandiae ab Illustrissimo eiusdem Ducatus Principe dati.

Evaristus Ioannes Betricki.



